


七一

崇禎二年三年



國權

鹽官談遷孺木著

己巳崇禎二年

八明寅朔召北鎮撫司千戶李若璉於文華門

河南布政司右叅政路周道領誥勅語步蹇澁命致仕

乙卯四川總兵官侯良柱兵備副使劉可訓在永寧出兵
逼賊少失利即入城貴州兵不之救賊遂據柁江壩

戊午四川巡撫右副都御史張論總兵官侯良柱討蘭賊
時偽梁王奢崇明合偽大元帥安邦彥兵數萬攻永寧論
簡兵八千人屬侯良柱令兵備副使劉可訓懸重賞購賊
至五峯山柁江壩大敗之斬首萬計後張論以軍中失印
罷去蓋奸弁求冒功不得結死士竊其印以去之也

庚申侯良柱許成名約并力攻賊賊恃其山險方飲宴蜀
兵乘霧進搗其寨賊倉皇接戰我力擊大破之黔兵夾進
賊走入鷲頂嶺徑長而陁及官兵追迫矢刃交驟賊人馬
蹙踣傾隕亡筭

辛酉安邦彥敗走官兵追之

壬戌巳刻追安邦彥於江土川貴州兵爭為功時斬獲大
酋百四十三人初邦彥先至赤水朱燮元謀知之密令守
將許成名佯不勝拔營去之永寧誘賊深入薄永寧城賊
中誘即令林屯鼎自三至入王國楨自陸廣入劉養鯤自
遵義入邦彥恃其勇欲旦夕先破永赤之兵還拒諸將急
挑戰許成名與永寧將侯良柱鄧玘等約夾攻賊兵始交

成名與羅乾象統出其背奮擊之賊大潰士馬自擁壓死
甚衆崇明邦彥莫德等悉受創官兵斬其首時夷人崩潰
可盡殲之而蜀將爭級發憤振營先歸餘賊得稍遁
乙丑建 三千騎屬夷東不的三千騎自大鎮堡分二道
自杏山高橋鋪自松山直薄錦州未幾去
丙寅又至焚掠
庚午陷雙臺堡
辛巳建 出大小凌河毀石屯衛城而去
九明申官兵往需益

丁亥命工部收驗軍器

己丑督師袁崇煥以建 欲西先請駐寧遠增戍關門至

是遣叅將謝尚政等往備順天巡撫王元雅謂虛警遣歸
而建師詭秘竟不出

辛卯葉燦為南京吏部右侍郎

壬辰劉先春為太常寺少卿徐楠為光祿寺少卿練國事
陸世科為太僕寺少卿

甲午 劉鍾英 姜逢元教習廢吉士

丙申卯刻日食雲陰不見

己亥官兵定烏撒安邊安氏來降

辛丑孫居相改吏部左侍郎成基命以吏部左侍郎筦右
侍郎事趙羅汝元太僕寺少卿轄東路

吏部文選司主事程國祥為稽勳司員外郎

癸卯起駱從孚禮部尚書何喬遠工部右侍郎

督師兵部尚書王象乾致仕

丙午予故

陳道同祭墓

駱養性為錦衣衛南鎮撫司僉書

戊申吏部奏言 皇上汰冗員臣以為莫先於清廕兩京

三品以上官及疆場大吏例廕其子念其祖父勞動也乃

有父兄罪削而子弟恩廕如故有逆案遣戍徒民而其廕

子得官如故又有考滿得兩廕如萬曆時貪撫陳用賓激

變獄死而子反封二廕居然祿仕夫廕以酬勞臣非恤罪

臣也宜驗封司清核請裁以杜僥倖 上是之

魏雲中為總督宣大山西軍務兵部尚書兼右副都御史

已酉高勛仍都督 總兵官鎮守湖廣謝弘儀仍都督

總兵官鎮守福建

庚戌王夢尹為太僕寺少卿

奪毛文龍世廕錦衣衛

毛雲龍除名

故經略楊鎬棄市

辛亥故吏部尚書贈太子太保趙南星謚忠毅故工部尚書贈太子太保馮從吾謚恭定故刑部尚書贈太子太保王紀謚莊毅故都察院左都御史贈太子太保高攀龍謚忠憲故日講官禮部尚書贈太子太保王圖謚文肅故左副都御史贈右都御史楊運謚忠烈故禮部右侍郎協理詹事府贈禮部尚書周炳謚文簡故光祿寺少卿贈太常寺卿加贈吏部右侍郎顧憲成謚端文故吏科都給事中贈太常寺卿魏大中謚忠節故吏部員外郎贈太常寺卿周順昌謚忠介故國子祭酒贈禮部右侍郎劉應秋謚文節

是月巡撫陝西劉廣生報維川縣曹店村宜川縣龍耳嘴各賊混天王王子順等千餘人掠韓城之龍門渡守將失利督糧道參政洪承疇同撫院中軍李滿倉屯都司艾穆千總費邑率擊破之賊走清澗

時總督楊鶴以筮仕長安知縣借行部侈并州之意順天府尹劉宗周言 陛下屬精求治宵旰非寧時舉

祖宗故事召對文華殿蓋躬勤細務朝令夕改勒限回奏
庶幾太平之立至然程效太急不免見小利而慕近功何
以効唐虞之理哉夫今日所汲汲於近功者非遼事乎臣
以為遼事不足慮也往者建得遼地不能守無意窺中
國久矣陛下銳意中興知有^刻心^期滅^出賊^塞甯此三空四盡之
日竭天下之力以養饑軍而軍愈驕聚天下之軍以冀一
戰而戰無日此計之左也今日所規於利小者非理財
一事乎民力竭矣司農告匱一時所講求者皆培克聚歛
之術正項不足繼以加派加派不足繼以火耗又三四年

并水旱災傷一切不問條例紛、大抵展轉病民甚於加
耗有司以培克為循良而撫字之政絕上官以催徵為考
課而黜陟之法止皆言利有以啟之也功利之見動而廟
堂之上不勝其煩夫事、而糾之不勝汰也人、而摘之
不勝誅也於是名實相溷而法令滋張頃者嚴贓吏之誅
自執政以下坐重典者十餘人可謂得救時之權然貪風
不盡息也^{所以}導之者未盡善也其後國事急裂真如宗周言
大學士徐光啟言十五日奉旨往局測候日食自卯初一
刻至日出俱雲陰不見據欽天監靈臺官俱依郭守敬授

時曆法初虧在卯初一刻按新法在卯初三刻回曆在辰初一刻法之不同如此今布陰雲是法無從微驗

十月朔

丙辰閔夢得為兵部右侍郎起郭尚賓兵部右侍郎添設戊午進督師袁崇煥太子太保

長安知縣梁州杰故嘉善尚書丁賓奴產子也得罪而逃

冒山西籍得第至是事發免官下臺訊

壬戌廷臣請立皇太子未允

甲子傅淑訓為太僕寺卿方孔炤為尚寶司卿

乙丑廷臣力請立皇太子許之

己巳薛獻祖嗣陽武侯

庚午召宣大總督魏雲中於文華殿

甲戌屬夷朝浪伯彥報建謀犯喜峰馬蘭大安口

戊寅建阿卜大以數萬騎入大安口叅將周鎮死之世

祿子分入龍井口游擊王純臣叅將張安德敗走又分入

馬蘭谷參將張萬春降山海關總兵趙率教以兵援先是
薊鎮塞垣頽墮又汰兵益關伍而三衛屬夷貳於我故建
大舉巡撫順天右僉都御史王元雅遣兵援馬蘭谷而
潰

已卯建 圍薊州

庚辰京師聞警或言建

及來不的合兵或言建

揅漢

合兵無確耗

套下憇干兒罵犯寧夏總兵尤世祿擊斬之

是月揅漢犯延綏官軍擊斬八百十級

十月壬午朔京師戒嚴

督師袁崇煥自寧遠趨山海關聞警急趨榛子嶺調援檄
巡撫保定右僉都御史解經傳馳赴

癸未諭兵部曰昨降夷報建

一西虜合兵製梯分犯狡

情近真各邊屢添新兵自足戰守今胡謀如此勢難復議
調援薊遼宣大山延等鎮各圖據險設伏必令匹馬不入
自邊內畿輔山西各郡邑修防儲練屢奉嚴諭未見改觀
今須開欵城堅池深濠內添築短牆開竇設砲城門設吊
橋近城作何收斂遠村作何歸併鄉兵火器糧草俱量地

大小定數勒限司道親督至寧錦各城應慮持久龍固原
平并圖預防如此布置再種早禾使千里無資胡勢自困
畿輔山西郡邑若干每處頒減虜砲一三眼槍一令模製
之

河南府推官湯開遠奏君猶天也父也臣猶地也子也今
寓內氛氣充塞似有聖主無善治此何繇哉以皇上獨
勞無諸臣以輔之也皇上急於求治諸臣救過不給臨
御以來明法勅罰自小臣以至大臣與衆推舉或自簡拔
亡論為政為誤俱視奪戍配不少貸甚則下獄拷追幾於

刑亂國用重典矣皇上急於求治臣謂天下固不治也
而已以治之心治固不治也朝廷猶未甚亂也即以已亂
之法治之又自亂也諸臣欲奉公營職而慮及天威不測
夢魂亦驚舊章難恃耳目俱榮此而欲鼓豪杰之氣奏精
勤之理不亦難哉夫媚於天子盛明之象也至狴犴幽陰
之地本繫外徼羶裘之屬而數以置中原冠帶之倫柝枹
慘毒不盡加之亂臣賊子而偏以施之勞臣任士臣竊痛
之且諸臣之接跡蒙譴者皇上或以薦舉不當疑其黨
狗堯之時四岳不薦鮌乎績用弗成初未并四岳殛之也

凡銓司一應遷擢為聖慮所用果循資配望皆當令其啟
事如效庶譽髦無積薪之歎而似黨似徇亦解矣 皇上
或以執奏不移疑其藐抗漢帝不從廷尉之請乎亦以張
釋之曰法如是止耳不特在法吏也凡諸司風紀成憲為
明問所及者果引例據典皆當令其各舉毋廢庶小人無
倖逆之心而藐抗亦邇矣 皇上或以屬官之失并罪堂
官然今堂官之外又有堂官故公忠之屬統領以一鳴斥
而端亮之長欲引以去何如還其堂局之常可以事權而
課功罪也 皇上或以官守之故并罪有言責者今之有

言責亦難矣言責之中又有官守身掖垣而務諸曹精力
既若守營舍封駁而勤差諉輕重又不測倒置乎何如專
其言責可定功罪而廣忠益也 皇上以策勵望諸臣於
是多戴罪然秉鈇之吏節制之體統多淆持斧之使激揚
之故事亦隔夫不開以立功之路而僅戴罪將戴罪無已
時矣 皇上以詳慎望諸臣於是多認罪第臣誼過當歸
已而恩亦待緊若不晰其認罪之心而概以免突寬之并
認罪亦成故套矣積誤封疆之庸撫僂之亘也恐法紀易
伸情而難破今之建牙者豈盡感 主爵為苦已哉封疆

有限庸樞無窮在不以輕任為輕僂侵欺糧餉之墨吏逮之且也恐夷由之侶不皆韓范胡來而我匈豈盡以呼庚癸者往哉 皇上宜稍寬大吏聽其鬼繕願私士募死問又在不以清吏詘能臣今諸臣怵於衆罰之嚴帶征餘征將無民矣民窮則易與為亂 皇上寬一分在臣子即寬一分在民生如此諸臣幸無罪矣臣尤望 皇上官府之際推諸臣以心進退之間與諸臣以禮申諭中外法守勿畏勿怵錦衣禁獄非有鬼賊奸宄不可入理待者必不可入而謂大小臣工不圖報為茂績安攘者未之有也

吏部文選司員外郎牟道行言會推屬冢臣主持臣絕不預聞 上以吏飾鐫一級侍郎傅叔訓署吏部印 甲申翰林院檢討楊觀光言兵變乞登萊酌議蠲租以示優卹報可 乙酉山海關總兵官趙率教入援過 戰於遵化中矢死

丙戌建 圍遵化奸人內縱火各奔救衆潰巡撫石金都御史王元雅自經推官何天球保定推官李獻明知縣徐澤教諭曲毓齡中軍彭文炳守備徐聯芳死之連陷撫寧

召廷臣於平臺青邊計無一效問方略命廷臣署舉分曹
詔試工部郎中劉之綸奏國家養士三百年豪杰誰不思
起前登萊總兵官楊國棟鎮守通州青薊遼總兵官朱國
彥以退屯三屯營戴罪自効

丁亥遵化報至人心大震
翰林院庶吉士劉之綸奏國家養士三百年豪杰誰不思
望風而自効於闕下者但此輩不屑奔走於庸夫俗子之
前而又不能夤緣要結以展布其用若招徠而鼓舞之則
一人可當千百人之用矣伏惟 皇上惕然改圖破庸俗

之調開功名之門選任豪杰凡戰守之方犄角之術一切
惟其所欲為如能決策捍都城使戎騎不至近郊予之爵
賞能控通州昌平決戰不犯山陵不扼餉道予之爵賞又
奸宄易生及今預輯又上三事各薦舉選援將運通州天
津漕糧議城守

日講官左庶子丁進言邊事
都督大同總兵官滿桂以五千人入援上召賜玉帶貂
裘封東平侯請馬三百
三屯營副總兵朱來等夜遁總兵朱國彥忿甚榜逃將名

氏於市散背享士北拜同婦張氏自經

戊子巡撫四川張論至瀘州水西安位乞降以原貴州土
司令請於總督朱燾元檄安位諭以內附許自新位疑未
決其群目集兵迫脅諸小種號三十萬以抗我燾元大會
諸將誠之曰水西地深昧而多山險谿谷——篁箐之間
霧瘴陰雨莫辨昏旦林多蝮蛇猛獸即不戰鬥而兵易疲
且隘不通車水不度舟奉饒者無以達也我深入陷伏卒
以此敗困致之闕未可輕也必屯險要四面迭攻漸次蕩
條使資儲空渴賊必自斃自是漸進邀擊百餘日斬獲過
當得嚮導輒發害粟就食賊饑甚斗米五六金劉養銀密
遣人入大方焚宮室懸榜而出安位大恐乞降燾元要以
四事而欲降者常如先朝制通九驛獻故勅通挽者及蘭
部通人并貶宣慰秩安位從其二集四十一日出降誓不
叛燾元受之而水西亦厭兵再遣使乞降

已丑諭諸臣率家人協同城守給守卒人各五錢

召戶兵大臣錦衣衛官於平臺

吏部左侍郎成基命為禮部尚書兼東閣大學士直文淵

閣基命力薦孫承宗立命承宗以少師兼太子太師兵部尚書兼中樞殿大學士督理兵馬控禦東陲駐通州起家陞見

庚寅增兵部職方司官郭士奇為郎中劉維禎李孔度為員外郎龔可明主事俱添註
召黑雲龍楊肇基及諸廢將

禮部請立儲命俟來春

下禮部作提督軍務勘合

督師袁崇煥入薊州以故總兵朱梅副總兵徐敷奏等守

山海關參將楊春守永平游擊滿庫守遷安都司劉振華
守建昌參將鄒宗武守豐潤游擊蔡裕守玉田昌平總兵
尤世威仍還鎮護諸陵宣府總兵侯世祿守三河阨其西
下保定總兵曹鳴雷遼東總兵祖大壽駐薊州遇敵保定
總督劉策兵亦至今還守密雲又游翼鍾宇中軍王應忠
李應元為右翼繼張弘謨而進中軍何可綱游擊靳國臣
趙國忠孫志遠陳景榮陳繼都司劉撫民為中樞繼朱梅
而進祖大壽為後勅繼何可綱而進崇煥居中應援
辛卯遣乾清宮太監王應朝監視行營諭兵部募智勇

上御札付提督宋尚忠等凡差官選官出城俱驗放
三日一回奏
翰林院庶吉士金聲奏通州昌平為京師左右翼宜以重
兵犄角而天津漕糧湊集尤急未敢為見將足任也草澤
義士曰申甫朝士多知之屢薦未用願伏 陛下威靈同
申甫練敢戰之士為 陛下逐敵東南 上從之申甫本
游僧善小術嘗夜觀乾象云木星入太微垣帝座前患在
踰旬聲疏入立召見利口稱知兵授都指揮僉書副總兵
遂作戰車

上聞援薊各兵入城命閣臣令兵部議營城外聯絡犄角
勲戚科道監守城門

太子太保兵部尚書王洽下獄洽不習邊事聞警倉皇無
以應遵化陷再日始得報 上怒其偵探不明

壬辰勞督師兵三萬金

遼兵值建 於馬伸橋敗之副總兵周文郁啟督師曰馬
伸橋去薊城二十里必建 前哨其後大陣我常預計督
師宿東城以待

以都城懸簾狹薄下工部尚書張鳳翔及主事史維堡唐

昌世於刑部獄

申用懋為兵部尚書翰林院庶吉士劉之綸為兵部右侍郎協理京營戎政金聲蕪山東道御史監申甫軍給七萬金造車募兵
令總兵滿桂王威黑雲龍禦敵宣大總督魏雲中宣府巡撫梁廷棟保定巡撫劉策河南巡撫范景文山東巡撫王建義山西巡撫耿如杞皆入援而應天巡撫曹文衡總理河道李若星鳳陽巡撫李待問陝西巡撫劉廣生鄧陽撫治梁應澤浙江巡撫陸完學俱令勤王

癸巳建

晨過石門驛殺驛丞

袁崇煥移營城外建

以二百騎嘗我圍砲而退竟日不再見一騎

立賞格購擒斬渠帥世都指揮使餘以是為差

甲午袁崇煥偵敵將潛越薊州而西即西追之犯薊州經玉田三河香河順義等縣皆陷

丙申袁崇煥至河西務議趨京師副總兵周文郁曰大兵宜趨敵不宜入都且敵在通州我屯張灣去通十五里就食於河西務如敵易則戰敵堅則東崇煥不聽時命崇煥不得過薊門一步蓋先有言崇煥勾建而崇煥不知也

黑雲龍補山海關總兵官楊肇基補薊鎮總兵官
命林弘衡盧承業催運通州糧楊國棟發兵護餉天
津糧以漸致之翟從義呂應仍各守要地劉策任
傳駐通州

丁酉孫承宗入朝袁崇煥抵左安門時戒嚴報不即入漏
下始馳奏建薄城下都人競謂崇煥召敵上不能

無心動

滿桂侯世祿至京

命錦衣衛僉書吳孟明與禮部左侍郎徐光啟分練京營兵

戊戌遣太監馮元昇等覈軍訖始下戶兵部發餉又太監

呂直勞軍萬金青鹽千斤米百石酒十樽羊百頭

順天府尹劉宗周上言大小臣工豈無一人足以甯信任

者而以情面二字槩從猜疑識者望之今日以第一開
示識心為之本如以不信文臣之故專付之武臣之

至文武之途分矣視舉天下無與於國而田舍一二內
臣無可同患難者自古未有宦官典兵不誤國者不知危
急敗亡之日舍天下士大夫終不可與共安危皇上亦
以親內臣之心親外臣以重武臣之心重文吏則太平可

致

建 營通州北二十里分向彰義門天津密雲居庸關良

鄉固安

已亥賜袁崇煥玉帶彩幣六祖大壽玉帶彩幣四餘大將
各緹蟒衣一襲戶部給各軍芻粟已饑每日私掠
令叅將劉天祿夜襲敵營至高密店知有備不得入
諭太子少保提督京營襄城伯李守鐸協理京營戎政兵
部尚書李邦華右侍郎劉之綸料理守禦事宜特命禮部
左侍郎徐光啟翰林院左中允李建泰指授訓練

庚子建

大至宣府總兵侯世祿大同總兵滿桂俱屯兵

德勝門世祿避敵桂獨戰城上發大砲誤傷桂兵殆盡桂
負創臥闕將軍廟中袁崇煥令都司戴承恩擇地廣渠門
祖大壽陣於南王承胤等陣西北崇煥陣於西待戰午刻
敵騎突東南我力戰敵卻而承胤從陣南避敵還而西刀
及崇煥材官袁昇高刃格之而折獲免——南兵復合敵稍
卻我力戰游擊劉應國羅景榮千總竇濬等追之運河敵
騎多冰陷殺傷千計我亦傷失數百人乙夜收兵 上賜
酒食勞軍

詔曰朕惟蠻夷猾夏自古不無雪耻除光又藉群力朕奉
天御極思與華夏蒼赤共躋乂安建本我命夷德恃餘
惡憫焉不逞越遠犯薊入我邊域將吏玩法忘戒致彼蹂
躪謾薄都城已命六師干楸警備於內閑寧諸兵堵截於
外蠢爾醜類尚肆咆哮凡我臣民共宜蘊憤乃入衛兵將
自大同宣府保定先至山西續報至山東河南延綏已經
遣調尚未速赴遷延日久掃蕩無期赤子虔劉朕心何忍
茲特詔諭省鎮文武官吏凡督府有建牙之責即選精銳
整器甲儲糧糗簡授賢將星馳赴接近地撫臣躬提入衛
不拘部調原額所部人才有智略出衆勇力超群即隨軍
奉聞其道將以下及副叅游各官有志負吞胡才優克敵
及廢閒將領家丁可當一部撫按驗給遣發京城內外不
論官士軍民能募士出奇或夜劫營或焚攻具論功叙賞
朕無所靳若奉調兵將逗留不前專闡秉鉞坐視罔聞逮
問懲處有祖宗之法在

辛丑刑部尚書喬允升薦故都督馬世龍故御史吳阿衡
上從之即釋獄復官世龍殺敵自效阿衡監軍

壬寅開德勝門甕城休滿桂餘兵

癸卯建 徙屯南海子薄暮命督師進兵

甲辰召袁崇煥祖大壽滿桂黑雲龍及兵部尚書申用懋於平臺崇煥不自安留中使於營自青衣玄帽入先張皇敵勢聳朝臣冀成款議見 上亦然 上慰諭久之崇煥

懼 上英明終不敢言款第力請率兵入城不許賜貂裘銀盃甲滿桂解衣示創 上深閱之俱同出

丙午袁崇煥求外城休士如滿桂例并請輔臣出援不許丁未建 攻南城官兵拒卻之

都察院都事張道澤論奏兵部尚書王洽協理京營戎政兵部尚書李邦華邦華以放砲誤傷軍士遂罷

戊申袁崇煥遣御導任守忠以五百人持砲潛攻建 於南海子頗駭遁

己酉改李成名兵部左侍郎添設錦衣衛 劉儵提督東司房 儵

庚戌召大臣於平臺

是月巡撫陝西右僉都御史劉廣生奉命入援適子疹對督糧道洪承疇高維道劉應遇而泣留八日始行至陝州

命急殲流孽不必入衛時大盜混天王等擾延川米脂清
澗等縣起前總兵杜文煥委剿叅將李重榮副之初賊至
清澗由莊堡叅將石在廊與戰手刃數賊死之

十月辛亥朔司禮太監沈良佐內官太監呂直提督九門及皇
城門司禮太監李鳳翔總督忠勇營提督京營

召袁崇煥祖大壽滿桂黑雲龍於平臺崇煥方遣副總兵
張弘謨等躡敵聞召議餉入見上問以殺毛文龍令逼
留何也並不能對命下錦衣獄賜桂等饌隨遣太監車天
祥慰諭遼東將士命滿桂總理援兵節制諸將馬世龍祖
大壽分理遼兵桂前被流矢視之皆袁軍矢也崇煥固自
任滅敵一旦胡騎充斥惟死戰庶足贖而值敵輒避去或
謂其貽糧易食品物論籍是日敵移營而南

談遷曰當滿桂戰敗時謂督師對壘不發一矢非也桂
戰都城北崇煥戰都城南頗有殺傷第先後間縱敵貽
患方在薊州獨不能躡其後掩襲之耶聞石門驛一小
砦驛宰某率土人壘石塞徑被攻終日而陷苟矢志厲
衆剪其零騎俾歛寇不敢散掠過其鋒於通州決一血
戰無鳴鎗都門之下庶免於戾而崇煥智不出此豈刃

在其頸不覺冥蹈之耶至謂召敵脅款此無心胸者為之崇煥當不其然但敵鋒方銳冀盟城下如唐渭橋之事稍遲目前則崇煥微意有在然亦愚矣易曰負且乘致寇至然與非耶

南居益為工部尚書錢春為戶部左侍郎督理邊餉曹珍康新民為右侍郎新民督理錢法

壬子建 陷固安蓋奸人導之自良鄉至也典史朱德死

之知縣麻城劉伸遁走雄縣後遣戍初陷良鄉知縣党還

醇典史史之棟教諭安上達訓導李廷表驛丞楊其禮死

之

襄城伯李時鐸奏城上懸簾未備命杖工部且申許觀吉

管玉音朱長世周長應下錦衣獄觀吉長世創重卒

諭各營曰袁崇煥自任城胡今胡騎直犯都城震驚宗社

夫關寧兵將乃朕竭天下財力培養訓成遠來入援崇煥

不能布置方略退懦自保致胡騎搶擄百姓殘傷言之不

勝悼恨今令總兵滿桂總理關寧兵馬與祖大壽黑雲龍

督率將士同心殺敵各路援兵俱屬提調仍同馬世龍張

洪謨等設奇邀堵一切機宜聽便宜行事

癸丑皇次子慈烜生坤宮出必且下
甲寅給申甫新兵所募多市乞識者知其必敗
遼東兵潰遼兵素感袁崇煥滿桂與祖大壽又互相疑大
壽輒率兵歸寧遠近大駭初召逮崇煥時大學士成基
命睨大壽心悻狀因頓首請慎重者再敵在城下非他時

比今言曰袁崇煥自嘉靖而後僅再見焉但士馬物一
力仍足相當袁督師初至一戰人心始定迨後鈐制諸
將不為無見而袁為人踈於大璫少所結好毀言日至
竟羅極刑厥後滿桂總督一戰而敗安見鈐制諸將為
非宜哉乃都民亦群然以為奸臣賣國此等事人多不
敢言之

乙卯兵部左侍郎閔夢得為尚書協理京營戎政
修賦役全書

丙辰煮粥賑饑民

諭孫承宗曰朕以東事付袁崇煥乃胡騎狂逞崇煥自任
督師不先行偵防致深入內地雖兼程赴援又箱制將士
坐視搶擄功罪難掩暫解任聽勘祖大壽及何可綱張弘

謨等血戰勇敢可嘉前在平臺面諭已明今機有別乘軍
有妙用今乃輕信訛言倉皇驚擾亟宜憬省自効或邀賊
歸路或直搗巢穴但奮勇圖功事平論叙夫閔寧兵將乃
朕竭天下財力培養訓成又卿舊日部曲可速遣官宣布
朕意仍星馳抵閔便宜安輯大學士成基命奏以袁崇煥
手札招大壽又條上規畫上俱從之

丁巳兵部

主事錢元懋改吏部驗封主事

少師兼太子太師兵部尚書中樞殿大學士督理軍務孫
承宗奏遼兵東潰約萬五千人自通州南趨張灣臣聞之

亟手札慰諭祖大壽并傳檄三軍令游擊石柱國飛騎追
之僅及其尾弓刀相向柱國力諭諸將校亦多垂涕但曰
主帥已僇又火炮殲我故勉至此柱國又前追大壽遠數
十里諸將校且泣且戒柱國奮不顧臣思大壽危疑之甚
又身貴不能受制同列故乘吏卒驚疑全軍盡潰陷人以
自護非諸將盡叛也宜亟勅閔內閔外兩道慰諭將領解
散士卒大開生路以收人心上從之大壽抵山海關宣
聖諭吏卒乃安因令堵截建歸路自是大壽稱疾不復
視事矣

錦衣衛

史世載提督西司房

戊午金之後為大理寺卿孫居相為戶部尚書總督倉場

禁抄傳塘報

壬戌禁婦出城

癸亥建

夜傳矢固安趣諸部合戰明日出良鄉棄婦女

上笑

甲子孫承宗至山海關

丙寅許梁廷棟陞見諭勲戚大臣助馬騾

張懋忠為錦衣衛南鎮撫司僉書

江西道御史高捷劾大學士錢龍錫曰袁崇煥罪案自定臣不必言獨發縱指示之龍錫不勝傷心之痛前逮崇煥時大壽口不稱冤兩日後颺去此非龍錫崇煥挑激之哉崇煥之殺毛文龍也龍錫密語手書不一崇煥疏有龍錫低回私商之局可覆按也又崇煥與王洽書言建屢欲求款廟堂之上主張已有其人又云文龍能協心一意自當無嫌無猜否則斬其首崇煥効提刀之力龍錫發推刃之謀宜今日龍錫皺眉疾首不得不作同舟之救也有旨輔臣佐理忠順豈有是事龍錫亦奏辨

陳盟曰或者謂文龍不殺建未敢深入崇煥欲與和
反受其間貝錦之譖雖為毛黨造成而崇煥專殺適自
階禍可慨也夫

丁卯設文武經略以梁廷棟滿桂為之各賜尚方劍營西
直安定二門桂始屯宣武門甕城內謂敵勁援寡未可戰
中使趣之亟桂不得已揮涕而出以五千人同孫祖壽等
戰安定門外並敗沒麻登雲黑雲龍被執申甫以七千人
戰柳林大井蘆溝橋亦敗沒都人大懼
刑部囚逸百七十人即獲之

廣東道御史劉廷佐遣家出城鐫一級守門刑部右侍郎

朱世守鐫二級

戊辰諭刑部閱囚

薊州城東南角樓火

霸州道周詩棄城走命逮之

己巳奪刑部官俸三月

壬申大學士錢龍錫引疾去

楊士聰曰毛文龍之死何所關於成敗之數自袁敗而
議者執以為辭於是連及龍錫逮獄論死初華亭陳繼

儒曾贊成誅毛帥之議錢既論死其家子弟日至陳冢
詬厲也辛未大旱釋死罪六臣龍錫與馬使其常近日
韓城宜興之間豈復有餘生哉乃知人主用法以漸而
手滑也

癸酉巡撫山西右副都御史耿如杞總兵官張鴻功援兵
潰於良鄉援兵皆沿邊勁卒竄走剽掠秦晉間李自成與
之合衆至萬餘推高迎祥為首稱闖王自成為闖將
建 陷張灣守備房可宗遁

召周延儒李若星李成名羅喻義吳阿衡趙延慶喻思恂
於平臺

甲戌兵部右侍郎劉之綸以二萬人出京禦敵

乙亥總兵官馬世龍值建 於良鄉

進馬世龍武經略賜尚方劍

丁丑建 陷香河殺知縣任光裕攻三河不克

戊寅攻寶坻知縣史應聘拒卻之

刑部尚書喬允升侍郎胡世賞赦維榮下錦衣獄

禮部 侍郎周延儒為禮部尚書兼東閣大學士直文淵

閣

已卯總兵官祖大壽奏述遼兵入援始末 上諭之復道

化援連

建 陷玉田知縣楊初芳降

唐辰何如寵錢象坤並為禮部尚書兼東閣大學士直文
淵閣夜漏二十刻進辭表得旨趣受事

兵部右侍郎劉之綸求入通州城戶部主事林弘衍參將

魏都梁不納即道掠

是年御史

追卹故經略袁應泰殉遼陽之難詔議

卹久之應泰子貢士楷奏父死事狀并上其臨難遺疏云

臣受命渡遼之日見人心不固逆知遼事不可為是以有

整遼之疏今建 攻遼十九日殺敵頗多二十日固守二

十一日力竭而死乞 聖明收拾人心為恢復計臣臨死

垂泣不知所云 上閱之予祭葬贈謚

交首莫敬寬送卒繼綱思歸順撫臣以綱嗣職土日韋登

猶袒岑繼常陰圖內難撫臣檄中軍黃金玉擒登禁之始

定

庚午崇禎三年

正朔已朔四方塵晦

壬午宋偉以原官為總官鎮守山海關同梁廷棟馬世龍
征進王國梁以原官為總兵官鎮守山西鴈門等關領山
西援兵列營防禦事平回鎮

故庶吉士張星進鉛藥

刑科給事中王鳴玉以失糾刑部逸囚請

命卹故都督滿桂孫祖壽趙率教彭守印李標時兵部職

方司郎中余大成以緩奏奪太僕寺少卿加銜兵科都給

事中張鵬雲鑄一秩

建人東趨永平夜抵宋莊距城五里初袁崇煥留楊

春千人守永平滿庫五百人守遷安

癸未禮部尚書兼翰林院學士李騰芳禮部右侍郎兼翰

林院侍讀學士李孫宸回部韓繼思為刑部尚書張慎言

為刑部右侍郎

刑部郎中陳臣忠鑄三級調外晉承眷等八人奪歲俸員

外郎蔣紹隆奪俸五月袁養和奪俸三月時逸重囚三人

御札設大砲城上
趣總督楊春茂赴任母面辭
諭卹故副總兵申甫

甲申召戶兵工部尚書各科於會極門令註銷案牘各委
給事中一人查理六曹勒期奏報
左庶子丁進言政府蒙蔽引用匪人降三級補左贊善

諭兵部傳文經略梁廷棟遣偵騎遠探如敵尚留昌平等
處即合剿如絕跡即督各將截於薊東約樞輔孫承宗督
同祖大壽於三屯營豐潤間聯絡犄角四面蹙之毋令間

道統掣我後戶部即催外解收買糧芻工部市硝磺鉛藥

製砲甲戰車太僕調備馬匹京營選將領輕騎巡警盜賊

京畿西山慰遣良弱寧家張慶臻督通煤道順天撫按招

撫流移寬卹凋瘵良鄉編派民壯添設火器

南京兵部右侍郎傅振商等入賀元旦為道梗䟽聞命徐

入

建 陷永平府先 人伏文廟承塵上晨登城守將楊春

及導之兵備道副使鄭國昌知府張鳳奇推官盧成功盧

龍教諭趙允殖東勝衛指揮 張國翰武舉唐之靖等

死之國昌先令諸生擊楊春死中書舍人廖汝欽故副總
兵焦延慶守備趙國忠諸生韓原洞等俱力戰沒中軍程
應琦罵賊被殺建 登城即召故漢見莊副總兵楊文魁
曰昨歲三月嗚若內應何至今費我三日力乎鞭之三百
廢將孟喬芳戶部員外郎陳此心同知張萬壽諸生宋應
元首降於是鄉紳 布政白養粹行人崔及第兵部職
方郎中賈維綸 卜文燬俱降明日焚東門授白養粹
巡撫永平都察院右都御史崔及第永平兵備道副使盧
龍知縣張養初為永平知府兼縣事同知魏君謨為灤州

知州命養粹等覈郡縣庫二萬二千餘金粟六千餘石豈
三千石芻萬束建 欲燹掠各官說止之 愍首至東
岳廟故總兵麻登雲侍側勞孟喬芳等貂裘各一鼓吹而
入 尋東行留子某稱留守王府命括城中金帛諸生
廖師周粗惡杖之籍其家同知楊爾俊辮髮不中程斬之
選巨室女白氏崔氏預焉白有殊色養粹女特獻飾者又
遣聘遷安兵部左侍郎郭鞏女鞏遁拘其妻餘縣昌黎撫
寧樂亭等力守如故 丙戌逮遵化游擊趙宗普以私逃也

命瘞城外戰骸
諭戶部括京師官民牛羸運米於河西務給贖費事平叙
賚
兵科都給事中張鵬雲言敵騎內犯半月矣諸臣所料理
如通州津安昌平山陵人、皆知其必犯而不見布置之
方遵化以南有豐潤稍北平谷皆屬間道未聞竒伏偵騎
不下三百而敵之多寡杳然則司馬之責也各援將如雲
如雨日費本色數千石折色數千金今果沛然有餘子不
即求接濟則司農之責也最亟莫如火砲而鉛石滾木等

或闕或少則司空之責也

丁亥文經略總督援兵兵部尚書梁廷棟回部

內官周世德降南京淨軍

都察院請遣巡倉御史不許

戊子灤州陷知州楊濂迫於搜兵自刎

太僕寺卿馮運泰先遁

刑部主事陳垣奎奪歲俸

南京提督大教場都督

總兵官陳洪範入援以洪範

東人止之

建 攻撫寧四日不克撫寧去山海關三十里先以叅將
黃惟正力守之攻轉昌黎還永平
己丑劉之綸報敵兵分往永平遵化屯遵化三千餘騎自
東門連營至漢兒莊臣駐薊州俟兵到移三河求催通州
糧以濟總理馬世龍亦至

建昌中軍白衍慶以白養粹義子遂勸主將馬光遠降
庚寅逮薊遼總督劉策總士張士顯涿州知州陸燧
前尚賢司卿原抱奇劾大學士韓爌招寇
鑄抱奇一

級

辛卯先是陝西邊盜王子順號左掛子苗美遠連逃兵掠
綏德敗叅將石在廊衆至三四千南下圍韓城破前鋒鎮
總督楊鶴會巡撫劉廣生調兵

逮巡撫山西右副都御史耿如杞總兵官張鴻功
命協理兵部右侍郎劉之綸追敵及於遵化如回兵逆戰
癸巳兵部揭奏近旨禁塘報密奏抄傳邸報寂、或覽者
謂本部袖手視變漫無事、非其情實臣不敢不白
乙未兵部言各省都司入賀元旦不即進命指叅之
大學士韓爌致仕賜金幣行人孔聞標護行

巡撫河南右僉都御史范景文命入援命守涿州時涿州
叅將孫潭守涿州畏警率衆託言追敵而逃下臺訊
丙申總督陝西楊鶴等至劄陽解韓城之圍斬三千級賊
遁復犯清澗之華家寺奔懷寧河官兵追逐數十里王子
順以百十二人降總兵杜文煥受之苗美分二部走宜川
安定官兵斬七十級更降三百十二人餘大奔苗美叔苗
登霧復殺差官褚國恩等嘯聚於安定仍掠鄜州中部宜
君分巡河西道蔣士忠總兵杜文煥擊賊敗之副總兵李
早倉屯都司艾穆等兵大集賊黨黃虎復乞降

戊戌巡按直隸御史董羽宸奏殉難香河知縣任光裕良
卿知縣党還醇典史史之棟教諭安上達訓導李廷表驛
丞楊其禮宜卹光裕還醇各贈光祿寺丞之棟等各給卹
符歸其喪贈之棟良卿主簿

建 東向遣二騎持幟致書祖大壽求和孫承宗斬之建
遂西承宗令游擊劉天祿設覆以待

庚子建 屯永平城外十里我伏兵雙望叅將孟道等誘
至寧羅嶺伏發大敗之斬百四十九級兵氣少振
劉之綸報石門伏地砲殪千餘人

壬寅候補參將周應乾奏釋罪撫王化貞謂妄託下兵部
論罪

廣東西洋澳夷陸若漢進大銃
協理京營戎政兵部右侍郎劉之綸屯遵化之娘、廟山
敵望而射之中矢死總兵馬世龍在薊門不援劉氏一軍
俱沒初巡按直隸御史董羽辰言之綸不任戰上責之
而之綸領新兵初募四萬出彰義門已佚其半素無紀律
特囂擾以及於敗之綸字元誠四川宜賓人崇禎戊辰進
士改庶吉士上書超拜令官贈兵部尚書廕錦衣衛指揮

僉事予祭葬

高汝栻曰劉之綸以小臣驟蒙知遇非常之值也驟昇
崇銜非常之舉也書生而驟許談兵望之殺賊亦非常
之責也受非常之恩宜償以非常之報是以壯心一往
不恤輕進勢雖搶攘必不欲與賊俱生若人、而公也
則天下多立功報國之士矣惟貪生畏死所以藏頭蒙
面託言持重不敢一言及戰耳以是責備公者謂死天
下事易成天下事難雖死而無益於事雖死何益果爾
高枕不問任、來往於身得矣其若國計何

談遷曰方建發難時劉司馬抱趙貞吉之憤投筆請
纓兵將俱非素習名據其上而勢已輕矣潰決不支委
七尺於荒城之外司馬即無憾得不灰任事之氣乎握
士為將得不償失雖為時所譏要亦慷慨負奇者流語
曰士非玉璧談者為價其劉司馬乎

癸卯李康先改吏部左侍郎筦右侍郎事仍加二品服俸
韓策為刑部右侍郎

張鳳翼為兵部尚書兼右副都御史總督薊遼保定軍務
兼理糧餉洪承疇為右僉都御史巡撫延綏督理軍務仙
克謹為右副都御史提督鴈門等關兼巡撫山西

宣府總兵官侯世祿以惟怯劾免

建 攻昌黎三日知縣左應選守備長安石柱國拒卻之多
殺傷遂引去昌黎小邑獨抗賊人壯之

甲辰都督王威提督團練

乙巳都督僉事董繼舒為鎮朔將軍總兵官鎮守宣府
丙午遷安故兵部左侍郎郭鞏逃入京奏乞師自述有書
卻聘上問其書云何鞏錄呈多做謝枋得語兵部尚書
梁廷棟劾其稱大金非法命下獄論死久之減戍廣西

談遷曰郭鞏嘗排周宗建致隸丹書其人褊激非胥士
備險者也塵沸鄉閭妻女為辱忘家告急效秦墻之哭
一語倉卒微文利譏幾陷大逆因誤書以快夙讐死灰
更溺嗜其甚矣郭氏可死彼白養粹輩不識何以真之
抑無以服郭氏心也

丁未左應選同祖大壽追建於燕河等處多斬馘自是
諸路敢戰大抵非建乃棟漢零部也時建潛師飽颺
官兵無聞焉

罷兵部左侍郎程正己工部左右侍郎畢茂良劉可法

戊申瑞安大長公主薨

已酉時議中外七品以上官捐俸助餉上不許諭吏部

都察院曰設官圖治詔祿養廉朕方潔已奉公望諸臣而

尚廩盡捐豈此外更有入孔子諸臣果真心為國興利剔
弊朝廷受益何必捐助朕今與諸臣約國家自有經制自
有正供諸臣能嚴核侵冒杜絕漏卮清償夙逋復完舊額
則太倉自盈司空何詘若大小事情俱從君父起見必思
必力圖毋身家之利而貽害公眾此即福國經邦第一策
朕又安庸鯁憂財用乎倘猶是沿習不變朕民肥橐欺

侵公課修媚贈遺此不忠之尤病國之最朕覺察所及定
寘重典以儆積偷惟爾諸臣其憬思之

談遷曰既諭止捐助而捐助者後且不絕也則前諭如
弁髦矣時廷臣俱例進獨順天尹劉宗周謂養廉不可
廢真一時矯一也

庚戌以去夏逮故刑部尚書薛貞未至謫刑部郎中曹師
稷王繼燾其員外郎余昌祚鐫一級主事楊整綱鐫二級
命順天撫按令各屬課農其殘破處仍勸相給種寇難擾
民失業廢時朕深軫念爾撫按等官宜加意拊循稱朕德

意

是月祖大壽遣叅將張存仁帥騎兵都司劉雄帥步兵守
樂亭昌黎亦然協將王維城守臺頭管副總兵何可綱守
石門馬明英守燕河各上首功蓋山海關西南撫寧昌黎
樂亭三縣城西北則石門臺頭燕河三邊城俱濼永要徑
也六城固可以合剿寧前道兵備副使孫元化安輯關外
八城斬獲首級八百有奇關連無虞督師孫承宗令祖大
壽戍關平四百人關內道副使王楫署都督僉事朱梅謀
復建昌而建昌守將孫承業千戶蔣若惠叅將畢尚信等

密通款承宗令朱梅犒燕河臺頭兵祖大壽以都司陳可
立等隨往安撫并購歸正人三屬衛夷為建請款
巡撫陝西劉廣生甘肅巡撫梅之煥及總督楊鶴遣五路
總兵吳自勉尤世祿楊麒王承恩楊嘉謨等先後率兵萬
七千人入衛延綏總兵吳自勉領榆林兵沿途徵馬又逗
留賄放兵騎巡撫張夢鯨忿死
邊盜王嘉胤陷府谷縣
西虜掠漢虎墩兔愁以十萬騎抵宣府脅賞原議四十萬
金止括八萬予之

二朝亥朔予故都督滿桂孫祖壽趙率教祭塋滿桂謚

立祠

壬子進祖大壽太子太保

翟鳳翀為戶部左侍郎兼右僉都御史總督薊鎮軍務兼
理糧餉巡撫順天

寧夏征西將軍總兵官尤世祿陞見命兵部立調遣
甲寅逮湖廣府推官許惠一以貪暴不法也

乙卯吏部尚書王永光薦諸臣邊才王之臣石聲諧曹文
衡翟鳳翀王之采王繼謨

昌黎知縣左應選加山東按察僉事

張顯謨為征西將軍都督總兵官鎮守寧夏

丙辰製皇太子冊寶

程啟南沈演為工部左侍郎演兼右侍郎事李成名宋槃為兵部左右侍郎王國楨為添設右侍郎易應昌為左副都御史

丁巳官軍復建昌誅叛人白衍慶郭毓偉趙定國等

戊午祖大壽入建昌敵大至統城而戰連旬斬一百八十

餘級

己未日講官

丁進罷

庚申冊立皇太子慈娘尋遣太監惠進昇乘宗周張應朝

于潤世通書各王府詔曰朕惟自古帝王嗣大曆服長治

久安莫不首重建儲所以定宗祧隆國本凝天眷而繫人

心也我祖宗列聖相承德祚綿洽率繇茲道以裕貽謀

朕祇紹丕基兢懷付託乃荷皇穹眷祐胤嗣早開長子慈

娘睿託坤元祥鍾震一中外起敬承之頌天人表協應之

符昨歲文武臣民疏請再三舉行冊禮而朕以子方襁褓

謙讓未遑茲屆青陽載仲之辰正值蒼巽誕彌之月禮官

復申前請衆志誠難固違爰攷舊章式諏吉日祇告於天
地宗廟社稷授冊寶立慈娘為皇太子以仰承累葉無疆
之緒俛慰兆人胥戴之情大典告成環垓同慶所有寬恤
事宜條列於後云云於戲位定承乾恩覃甲巽惟嫡惟長
萃全盛而衍重熙是錫是敷保庶民以歸皇極播告天下
咸使聞知

官軍復遵化

癸亥進李標少保戶部尚書武英殿大學士成基命周延
儒何如寵錢象坤並太子太保文淵閣大學士孫承宗太

子太保並詹中書舍人賜金綺已馳諭承宗曰卿元老壯

猷中外倚毗朕閱事委卿付託甚重近日敵躡永平安窺

山海卿當審機戰禦制勝萬全總兵祖大壽前鋒挫敵軍

氣已揚茲發二萬金犒關寧軍士朕訓養有年必能奮勇

殲祖大壽等赤心鼓噪朝論共推卿還宣布朕意徧諭

三軍朕念卿與諸將吏折衝勞苦日廛於懷卿須間道遣

人飛報情形以便彼此策應上又遣鴻臚寺丞董用極

渡海勅勞祖大壽等并發虬鱗甲紵之屬千餘賞功

司禮太監宋晉王永祚李鳳祥郝儒曹化醇各廕錦衣

衛指揮僉事內官太監李承芳廕正千戶

乙丑兵科給事中陶崇道言梁廷棟在通州奏遵化三屯營易復良鄉固安。難破自謂料敵神筭今難者易易者難矣又漕運總兵久不用勲臣靈璧侯湯國祚等乘多事覬位廷棟故為兩可伺旨大臣固如是乎

丙寅起高弘圖左僉都御史許如蘭為右僉都御史整飭薊州邊備巡撫順天蕭毅中為右僉都御史巡撫南贛汀韶

丁卯諭吏部曰國家用人惟求事理民安庸鄙之徒不堪

內外若拘資俸其人得矣如國事蒼生何且薦舉必甲科通判多不肖以及堂司隱弊勢要閔說諸如此類通條來奏

建本又大至建昌官軍擊斬八十一級

工部加員外郎陸澄源劾都察院左都御史曹于汴不問降澄源順天府照磨杖方應明六十削籍以濬河不力見劾

謝陞為吏部右侍郎

刑部在繫霸州道

周詩自經刑部

顧燕詔鐫一

級

己巳錦衣衛南鎮撫司僉書張道濬言臣里居聞警入衛
道見吏部郎中龔世法御史劉芳乘傳入京中道退避又
前御史毛羽健所奏五問殆專為袁崇煥地命逮世法芳
庚午耿如杞張鴻功獄上論死
辛未周邦基張捷為大理寺少卿米萬鍾為太僕寺少

卿

皇次子慈

孺

壬申陳仁錫為左春坊左諭德兼翰林院侍讀謝德溥為

國子司業魏尚賢為右通政

癸酉故

郭廣贈太僕寺少卿

甲戌劉策張士顯獄上論死

丙子代府宗人索祿遮巡撫張宗衡與大譁

戊寅巡撫陝西右都御史宋槃憂去

先是禮科給事中葛應斗言我太祖諭足食民在禁末
作足民衣在禁華靡四民各守其業不許游食民家不許
錦繡誠有鏡於治源為萬世程至明也承平既久風俗日
侈器服裝飾樂舞音容通於王公達於衆庶耻儉約而愚

貞廉男則女飾女則道裝嗟、貧民一口終歲勤動水旱
正供若難卒歲而富商大賈操奇平贏利獲倍於農金生
粟死管子所歎我 皇上首罷織造減珍羞節儉以先天
下豈容臣庶侈靡諭制宜嚴禁之報可禮部覆曰近日胥
史裁冠切雲僮隸倡優錦綺曳地朱碧紅紫刺繡縵組日
異月新一倡群效以至居室器用無不夸奇豪貴一筵抵
窮民歲費無惑乎公私匱竭財用日耗簞簞多不飭也謹
遵明旨逐款開具一定品官士庶巾帽及品官輿馬蓋扇
一定士庶妻女衣飾一定品官士庶房舍一定僧道尼姑
不許紵絲紬絹紗羅一定官吏士庶之家牀榻椅褥一定
官吏宴會器皿用古銅器一禁民間賽會
庚辰禮部請故兵部尚書趙彥卹典以前撫山東釀寇冒
捷不許

已卯候降刑部郎中陳臣忠求回籍不許謂謫官未補覲
埃陞遷俱禁之

是月督師孫承宗以七百騎援總兵楊肇基於三屯營擊
斬百三十四級肇基合擊建 斬六十六級

三 辛月巳朔大學士李標罷

吏科都給事中陳良訓言 祖宗設六科五十人各道御史百有十人歲二月科陞正一人閏一人外一人道陞正一人閏二人外二人合百六十八人決歲而十陞其一正陞論俸閏陞論資年來降調接踵資俸陞者無幾伏祈皇上察科道除二八月外無陞期除正陞閏陞外無陞法乞賜題補

左副都御史易應昌署院事

壬午建 千騎抵房山有二人呼城下則良御萬千戶子及千戶弟賢出偽檄招降卻之已萬千戶至云都督榆

林臧調元降敵以房山陳效忠前任延安府同知時有隙調元感勵求相見亡何率百騎通刺舊治生效忠答以待教生又一騎大呼曰房山是金天定年設縣以護祖陵爾官吏宜出迎知縣楊齊芳力拒之彼持斧來攻諸生李元勳彌愈曹耿源下城說之曰既近祖陵人民不宜加害騎引去隨傳辛卯祭陵及期果一二千騎經城北呼諸生以入陪祭九龍岡蓋金章宗墓典生金榜臣亦往申刻敵退禮部請正文體從之故御史劉芳下獄

督師大學士孫承宗言 皇上命梁廷棟調度各鎮援兵
仍令回部受事令勿推督兵大臣夫此大臣不過加武臣
之掣肘之上又加掣肘增文臣之觀望之中又增觀望况
督將多徵倖成功先立意見為卸過之端故無好水承之先
着而徒咎任福事之違令如今止以布置之概為調度則廷
棟與臣書言關永戰守言糧餉水運言竒正布置略此具
臣所能亦中樞所能也如控縱疾徐斟酌淺深則中樞所
不能亦臣所不能何也兵交原野受計幃幄變在頃臾定
謀千里勢有所不可非獨才有所不能也乞 皇上察臣
之言止以中樞調度諸將至可進可止可守可戰令監紀
諸臣隨在調戢既無掣肘安得觀望 上是之

鑄甕理薊鎮陸運餉關防

癸未叙甘肅累捷功總兵官董繼舒進都督同知陳洪範
右都督張顯謨都督僉事徐永壽署都督同知張爾奇署
都督僉事授柳紹宗副總兵加劉國棟吳三畏副總兵餘
文武陞賞有差

甲申故

韓獻明贈光祿寺少卿廕子入國子監

國子祭酒顧錫疇以庚午秋闈 皇上首科請廣制願從

之

吏部左侍郎孫居相言邸報馬蘭路叅將張萬春通建
為之鄉導萬春本都人居月牙巷曾任京營千總中軍大
號頭等官乞下巡城御史搜萬春家杖之

復故張居正大學士二廕

御史朱泰禎以東陽吏部文選司主事解學夔事發學夔
調外謫泰禎府知事

乙酉下郭鞏錦衣衛獄

起閔洪學都察院左都御史仍太子太保王之采都察院

右都御史兼筦兵部右侍郎事

丙戌南京戶部尚書鄭三俊言六事預積蓄廣事例通權

變議勸輸議搜借議贖罪

工部主事李逢申言用人聽言宜悉宜確刺大學士李標

成基命謀國無能又梁廷棟司道之才宜有餘中樞之才

不足

丁亥謝陞為吏部右侍郎

臨洮援兵露宿安定門外闌入民舍大開聲砲都人以寇
至驚亂尋定

戊子刑部尚書韓繼思削籍罷左侍郎張慎言以耿如杞
獄上輕擬御史徐尚勳劾吏部尚書王永光有三當罷五不可留
御史徐尚勳劾吏部尚書王永光有三當罷五不可留
建 據建昌都督朱梅遣劉邦成都督祖大壽遣劉應選
力拒之

兵部尚書梁廷棟議調東江兵於寧遠錦州分關外兵於
薊門督師大學士孫承宗言東江原為牽制之用但據非
其地若移於要害足成牽制且可圍大其兵其民實十餘
萬兵來則民不獨留以無渡恐不能急應且為邊防計在
遠鎮不宜全用遼兵又安可用之薊門也雖遼民無可疑
事久變生一倡百和合兩邊二三千英里宜防於始上從
之命副總兵茅元儀陳繼盛周文郁徃龍武中左右協牽
制東江

戶部員外郎陳此心逃自永平命法司訊之
臨洮總兵官王承恩陞見
貴州都司陳謙等攻 叛苗敗之
已丑前軍都督府火

錢繼登託疾規避逮之

庚寅胡應台為刑部尚書韓策涂國鼎為左右侍郎
許兵部侍郎王國楨終制

辛卯祖大壽進兵石塘村擊走之

壬辰吏科都給事中陳良訓調浙江右叅政御史田時震
調江西叅議黃仲暉調撫州知府

巡撫山東右副都御史王從義劾免命范景文還河南

上聞兵部主事王建侯才特命賚餉甘肅

癸巳左副都御史易應昌糾御史史莖狂悖奪莖俸六月

工科右給事中顏繼祖言諸臣捐助原未有銀先以數聞

或隔一二月至或累月不至何濟於急請令通政司遍撫

按奏報捐助驗無實銀不得封入從之

甲午進王永光少保兼太子太傅賜金三十紵絲二劉遵

憲表可立魏應嘉各金二十余大成仍加太僕寺少卿薛

國觀各金十五葉大受劉永祚孫元化各金十以卻敵也

王永光辭不受

乙未魏光緒楊一鵬為太僕寺少卿一鵬東路光緒西路

錦衣衛都督同知徐本高為左都督劉僑等十人進二級

南北鎮撫司戚昌國等十人進一級指揮千百戶孫光等

百四十八各進署一級並東宮覃恩

吏部會議故貴州巡撫李燾非婪賄啟叛不聽命確覈
丙申兵科給事中陶崇道言臨洮援兵露宿安定門外本
兵梁廷棟指民居可宿於是爭入民舍而關前固原總兵
楊麒憂援兵乏餉廷棟曰民自有糧何得全仰戶部其發
言召亂乞賜處分上不問

左副都御史易應昌言本月八日得山西道御史史堃揭
帖媿、于言述當日去國之繇昨十一月堃於高捷具呈
求資稱出自堂官傳諭河南道吏代寫代收必俟曹于汴

出國門而後反唇也于汴有恭陳職掌一疏臣廁名疏末
其是石臣與于汴分任而堃疏一則曰堂官之疏同此操
縱一則曰堂官為時勢把持一則曰堂官敢侮皇上夫
叨為風憲之官當行當止何以操縱且恪遵職掌可謂之
把持乎且冢臣初疏起用後疏亦曰俟院咨到日題補則
冢臣已洒然於臣院之職掌不敢奪也堃獨心嚙而反噬
耶上奪堃俸六月

葉茂才祭堃

陸彥章久不赴罷之

丁酉令惠安伯張慶臻以萬金採煤西山
令有司雇民舡轉運並給直戒閔津需索

南京江西道御史劉之鳳請舉謀勇止援兵練土著密偵
探選守令報聞

工部尚書南居益題開納事例

宣大撫夷總兵王世忠赴任

戶部奏棟漢修貢命舊賞即給新賞春秋分發該督撫頒
行王象乾所定賞額與今數有異者額報為永例

命餉部主事宋獻料理東江各島饑民不得以催餉留登

吏部條上冒廕崔呈秀廕錦衣指揮梁夢環倪文煥並廕

監田吉劉詔廕錦衣千戶李夔龍廕監吳淳夫兩廕監魏

廣微廕錦衣指揮僉事廕監三廕中書三廕尚寶一霍維

華廕錦衣千戶閻鳴泰廕錦衣指揮僉事廕監周應秋廕

監三馮銓廕中書舍人顧秉謙廕監四廕中書舍人五廕

尚寶司丞三廕錦衣同知僉事各一來宗道廕監廕中書

舍人郭允厚廕監三薛鳳翔廕監三廕錦衣指揮僉事李

蕃廕監三張我續廕監一朱童蒙廕監一楊夢袞廕監二

李春茂廕監三徐兆魁廕監一劉廷元楊所修陳九疇廕

監一邵輔忠李養德廕監二孫國栢廕監一馮嘉會廕錦
衣同知一廕監四廕中書舍人一曹思誠孟紹虞郭尚友
李精白楊維和郭興治俱廕監一秦士文呂純如廕監二
何宗聖廕監一黃運泰李從心廕監三岳駿聲廕監一郭
增光單明訥廕監一李嵩廕監二張文郁廕監二張素養
宋禎漢廕監一許可征廕監二黃立極廕錦衣指揮使一
廕中書舍人三監一尚寶司丞一施鳳來錦衣指揮同知
一中書舍人三監一楊景辰監一中書舍人二房壯麓廕
監四李思誠廕監一王之臣廕錦衣指揮僉事一監一楊

維新朱國威馮時行監一周維京廕監一

建益兵攻建昌官兵共卻之斬千五百六級

福建道御史祁彪佳言司道之陞轉自憲長而下通如流
水方伯而上難若登天京堂節鉞經年未推邊撫南臺十
不一二閱歷之時愈久任事之念易灰似須以平常者嚴
加考核表著者設法陞遷宜疏通者一有司之終罰錢糧
有數目催科有經營完解有時候必一一不爽然後終罰
行而功令信今或今年經營先坐明年至未履任而督其
逋未起徵而勒其額且起解在途完納在司誤罰鑄俸疊

被責成眼穿開復臣請立為法先論時日歷征見征帶征
皆以開征日始總計一年每月應若干而以一年殿最之
經管或一年或數年或一二月逐月派完數某季某月尚
欠撫按覆核而終罰之戶部總計一省完欠何項何數何
官分別懲處挈領提綱法莫善焉又薦原任戶部侍郎
周汝登難進易退明體達用所著聖學宗傳四書宗旨足
模後學易名之典方為不媿又選郡邑德行之士大縣三
四人小縣一二人充入兩雍疏上報聞
吏部尚書傅振商兵部尚書馮英刑

部右侍郎並南京巡撫河南右都御史范景文為兵部

右侍郎添設郝士膏為右僉都御史巡撫河南沈珣為右
副都御史巡撫山東整理營田提督軍務

京師火藥局災

庚子御史饒京言科場關節之弊命以後部科磨勘

癸卯劉定國為南京兵部右侍郎

建濟師萬餘入永平會官軍敗於大安口馬世龍不救

建更番復圍豐潤移屯榛子嶺聲言往灤永攻大城通

州然喝竿自永平漸治歸計

甲辰國子祭酒顧錫疇叅監生胡煥猷橫議飛噬不循監
規命除名

談遷曰胡煥猷前上章排諸倖相有劉陶陳東之目矜
激為名不自矜慎并喪其所守士母以一節沾、觀於
煥猷得裨身之準矣

前禮部右侍郎蔡毅中上六經註疏

乙巳獲叛臣賈維翰李致和

右都督陳洪範為總兵官鎮守浙江

議開涇水灌涇陽三原醴泉高陵臨潼之田

戊申戶科給事中許世蓋言三事省詔獄停駕帖免廷杖

是春秦盜入山西犯襄陵吉州太平曲沃

是月威鼎自鳴

熒惑入井分退而復留又入鬼宿犯積尸氣

四
庚戌朔呂維祺為南京戶部右侍郎兼右僉都御史總督
糧儲

辛亥吏部尚書王永光等請釋累臣喬允升等不聽

吏部文選司員外郎吳鴻虞以遽推董中行鑄二級時議
久任

朝鮮國王李保奏辨通建之誣報聞

錦衣衛都督鄭其心王文烈累緝獲功進右都督

總兵尤世祿屯梁家橋建遣哈喇嘛僧求款世祿令守

備和應詔于總虎大威往報總督張鳳翼糾其示怯

癸丑馬世龍克大安口

乙卯上齋居文華殿禳旱諭百官修省命成國公朱純

臣侯陳光裕告南北郊禮部尚書李騰芳告社稷壇

溫體仁告山川壇侍郎李孫宸告風雲雷雨等壇

故刑部尚書薛貞論死

東江舟師集南海口抵覺華島適劉興治以皮島叛興治

故將興祚弟也初興祚居開原衛陷於建重壻之名曰愛

塔及遼陽陷謀歸正癸亥春守金復令幕客金某通登萊

總兵沈有容渡海內應中軍王丙以告建訊興祚兄弟

及李永芳之子不承誅丙屠復州人十餘萬興祚等

雖免而疑之甚興祚因購毛文龍空札若干填同陷人名

氏夜投各營以試人向背迨曉來自理者無幾嘗犒魚皮

生女直陰曰毛文龍密約在又日凌其妻相詬誣先隔居

越數夕擇貌類己者醉之衣以已衣縱火劉氏兄弟哭曰

愛塔自焚矣建 驗之信不知其走皮島也戊辰春袁崇
煥以聞官副總兵已巳夏崇煥殺文龍召興祚及弟興基
亡何建 入犯崇煥與祚謁孫承宗於山海關西而寧前
道兵備副使孫元化委兵八百人俾西援或疑之興祚不
敢前承宗令鄭一亨斬國臣張汝行王承胤石國柱同興
祚合四千人專護永平建昌道臣不可遂令一亨守豐潤
興祚同臺頭營將王維新太平路將睦自強建昌路將馬
光遠永平道中軍程應琦藪建 於青山營官軍二千除
夕大破之興祚先登語夷習故急莫能辨斬五百九十三
級畜產稱是還太平各歸鎮唐牛元旦興祚至兩灰口俄
值建 數千騎馬不及甲步關殺傷過當突中流矢死弟
興賢被執先興治留皮島攝西協事素武健忿兄死未卹
又怨署島副總兵陳繼盛佯薦興祚諸將來唁殺繼盛及
調兵官王遠督糧經歷劉應鶴等十一人引衆迎兄興沛
於長山島大殺掠孫承宗以聞命承宗調戢兵部言劉興
治興沛據皮島以叛拘商舶兵舡此不南走登萊西叩榆
關則縱橫諸島間據為扶餘是建 之外又生一敵國矣
今令當總兵張可大回登州嚴兵以待龍武三營駐防覺

華島檄副總兵周文郁劉應龍前往相機招輯如足亂即
佩大將印且易登州道 王廷試 上並從之周文郁
入皮島諭興治又督餉戶部郎中宋獻駐旅順島諭各將
安輯承宗又遣諸生吳廷忠諭之興治等稍戢
談遷曰劉興祚雖逋亡之餘食楛懷音百計營脫與宋
之李顯忠魏勝何異青山之戰賈勇陷堅即身膏野草
自當錄先登之績閔死綏之忠崇以廕贈彼興治輩將
奮力圖報之不暇敢桀驁以自騁乎本兵悠忽於島帥
不幸後視若贅麗議內徙其兵民已屬非計及聞變徑
勿廟議更憂海上矣世人覩於眉睫驕語遠略識者所
以扼腕也

初大兵集南海口命覈舊餉孫承宗畧奏緩之 上諭曰
朕東事委卿聽便宜布置其用間須詳審勿墮狡謀搗巢
牽制自是勝着清覈錢糧容徐俟之

丙辰南京工部尚書杜士全罷

丁巳吏部奉命條列天啟時恩廕竢定奪

己未兵部 侍郎李世名

陝西邊盜苗美西奔官兵追至白家嶺多斬獲解散清澗

庠生李攀龍遂殺美於賀冢灣

史世載降右都督

壬戌賜故都督戚繼光表忠祠從其子錦衣衛南鎮撫司
指揮使昌國之請

祖大壽福建於永平設三覆以待誘敗之殺其渠帥四
人遂薄城下時議恢復先遵化後灤永孫承宗謂屯豐潤
玉田以牽遵永當先灤州至是捷上有旨當乘機用力灤
永勿專待遵城聲援致生遷延諸將因辨餉治攻具
癸亥禮官請遣官催取纂修天啟事蹟不允

丙寅前巡撫河南右僉都御史范景文言河南僉役大戶

之累上是之

劉榮嗣為光祿寺卿

丁卯貴州道御史畢佐周請做嘉靖庚戌時議通派昌平
各募練鋒勇設經略

都督僉事王業隆為總兵官鎮守貴州

工部尚書南居益鑄一級印中王守履鑄三級時製槍砲
不堪責改造

馮保孟抄傳密報下錦衣獄

辛未起斬于中南京工部尚書

烏思藏僧來貢

癸酉故兵部尚書王洽卒於獄仍議罪

甲戌孫承宗令參將黃龍汪子靜携攻具持十日糧赴樂

亭昌黎游擊傅以昭屯撫寧副總兵劉應選鍾宇等屯樂

亭參將張存仁游擊孫定遼蔡可賢合大兵圍遵永

丁丑許詹事黃士俊省養時父年百歲命有司存問

賊王子順陷蒲縣蓋山西自河曲保興以至蒲津千五百

餘里與秦中隣河最狹賊自神木過河陷蒲已分二部東

擾趙城洪洞汾霍西掠石樓永和吉陽賊號橫天一字王

戊寅諭戶部講屯鹽良法

己卯宋可久申為憲阮震亨傳朝祐為給事中王之良吳

履中孫微蘭藝守忠姜思睿陳奇猷苑囿蕃李宗著王肇

時為試監察御史

是月鳳陽大雨水

太白晝見熒惑復入鬼宿犯積尸氣占主秦亂

光祿寺卿何喬遠薦德行文章之士內及華亭布衣陳繼

儒博綜典故諳通時務亦當加以一秩如先朝文徵明故

事章下所司

延綏東鎮黃甫川孤山神木等堡設在衝邊砂磧木毛仰
食山西大盜起山西斷渡軍民請開渡山西巡撫宋般統
奏令起盜之處不開、被盜者

五
康熙辰朔癸未孫承宗誓師

乙酉大兵向灤州先是建

知我發兵從開平監紀主事

丘禾嘉及豐潤總兵尤世祿求款且求代奏禾嘉以白孫
承宗及兵部世祿代奏 上切責之趣承宗曰閔寧兵將
付卿討足雙望之提建昌之復非不有功敵尚盤据內地

且出入更番引類狂逞我兵東西觀望絕無舉動卿亦蓄
銳未盡激發督率之方朕睽焉東顧炎蒸游至弓弛騎汗
敵騎將困不即奮懷待秋高馬肥鳴笳四起始圖驅剿豈
兵事堪茲留處飭該部馳解賞金急索厩馬續運本折資
卿調度卿其環念艱虞灼觀機會蚤振吞胡之氣務張捷
伐之威稱朕眷倚特此馳諭承宗因檄總兵馬世龍屯豐
潤待合擊檄總兵朱梅以游擊斬國臣取遷安檄協將王
維城路將馬明英張國振同叅將孫承業劉邦域等候大
兵趨灤州合攻以牽遷安之南援檄中軍何可綱叅將申

其祐游擊岳惟忠等分雙望各山牽永平之敵義兵游擊
劉法守備劉啟職合三萬人屯灤州之蓮泊各持白楮為
聲援兼御導焉承宗駐撫寧祖大壽來開平會之

談遷曰庚午歲建 求款屢矣或曰乘其代請稍示曲
折勝日後馮紹愉之專遣也當時朝議堅詘師武臣猶
爭先處強高陽布置進止動中窺會故能恢復灤永不
至為唐之安西北庭宋之靈夏則祖大壽革功不可沒
也其後狃於前轍謂深入無害不妨徐俟其敗於是種
禍莫可揅矣亦庚午事有以誤之耶

河南饑多盜

丁亥日講官左春坊左諭德兼翰林院侍講署司經局事
文震孟言臣講日輒焚香告天願一言半語獲當宸聽竊
見自逆 醜匪茹聖心焦勞然綜覈事功須挈綱領刑法雖
峻猜疑漸啟於事未有濟也故於君使禮章勸培養士氣
推心感人而辨賢奸酌用舍尤倦、焉臣見命將出師莫
有定筭功罪未審絕少成緒故於管仲器小章引管子言
兵主不足畏則戰難勝也臣必當其位功必當其祿能必
當其官信小人者失士心臣見群小合謀欲借邊才以翻

逆案故於子語魯太師樂曰章願剖析是非辨別邪正曰
一音雜而衆音皆亂一小人進而衆君子皆廢今平生無
耻慘殺諸賢之呂純如且藉與援而思辨雪矣又見吏部
尚書王永光假竊威柄橫行私臆故於甘誓章言戰勝攻
取非獨左右之恭命尤在六卿之得人又見永光年例變
亂 祖宗永制考選擯斥清才故於五子之歌章言識精
明則環而伺者無所售其欺心純一則巧於中者無所投
其隙臣知 皇上天縱聰明猶為此語者則憂盛危明之
極思耳疏上命指呂純如慘殺與援及王永光變制擯才

一一實奏

夏允彝曰 烈皇帝登極以王永光為冢宰永光亦清
執王恭廠之變其疏獨侃 或云此司扁張履端王陞
所勸為然亦永光之矯 之微也乃東林必欲逐而去
之至永光憤激為難引用袁弘勳張道濬等再啟玄黃
之爭實已甚之故耳

己丑祖大壽抵灤州攻之明日總理馬世龍寧夏總兵尤
世祿延綏總兵吳自勉三屯營總兵楊肇基固原總兵楊
麟臨洮總兵王承恩及兵科給事中張鵬雲俱至城下總

督張鳳翼巡撫許如蘭監軍御史吳阿衡薊州道副使賈克忠四川監軍劉可訓以總兵宋偉等攻遵化掣其

東顧

辛卯復灤州官兵分攻梯而上建出戰東門祖大壽預

伏弩大敗之始遁伏擊又大敗之走永平

壬辰復遷安

錦州參將黃龍為征前將軍都督僉事鎮守登萊東江

龍至皮島建至擊敗之耿仲裕倚兄仲明為奸利陰與

建市龍計誅之

癸巳復永平建

屢敗力不支而遁何可綱等入之諸將

俱至孫承宗等檄監紀王事丘禾嘉等曰彼走西北遵化城必虛大兵躡擊彼橐重而遲易及也仍輕騎追於塞下

祖大壽如其言至冷口斬九十九級馬世龍斬級如之

流盜破金鎖關殺都司王庶時總督楊鶴在耀州調榆林

道張福臻鎮將王承恩等赴剿

甲午復遵化總兵宋偉同關外副總兵謝尚政川湖副總

兵鄧玘等先登敵自北門遁是役也復灤州永平遵化遷

安大城四各堡十二轉戰三百餘里斬三千二百餘級俘

二十二人併為獲知府張養初首擒為都御史馬思恭偽
兵道 賈維翰偽知州楊熠偽都督李際春偽守備呂
及第偽備禦張克明石國鼎及內應柴通朱運泰下文燬
其叛宦白養粹崔及第先為建 殺冷口外養粹妻妻自
經其母與崔及第張養初妻女皆在前太僕寺卿陳王庭
削髮未任孫承宗入永平撫慰士民仍回山海關
乙未駙馬都尉侯拱辰司禮太監李奇懋往勘岷王府故
岷憲王子常寧王乾坤以失愛早夭憲王收其田宅逐其
庶子國英國儒及憲王薨長史以綏寧王長孫企鵠報巡

按御史黃宗昌巡撫洪如鐘以國英事聞

庚子

傳懋禮闈入朝上章見糾特宥之

故工部尚書劉廷元卒廷元平湖人萬曆甲辰進士知南
海庚戌擢御史乙卯巡城五月張差挺擊論罪且指為風
癩議者不平庚申劾罷天啟乙丑起太僕寺少卿歷南京
兵部尚書至今官崇禎己巳論黨逆城旦
甲辰 神廟皇貴妃鄭氏薨謚恭恪惠榮和靖
戊申巡撫山西右副都御史仙克謹宿清源公署盜詹承
福刺之未殊克謹削籍

少師兼太子太師兵部尚書中極殿大學士督理軍務孫承宗以收復四路上露布曰天子萬年丕振累朝之鴻烈聖王一怒廓清千里之妖氛九野懽騰三靈氣奄恭惟皇帝陛下聰明睿智文武聖神體天地之生成神化同流覆載奉祖宗之法度治功邁跡唐虞防已密於未萌道更弘於無外蠢茲妖孽逆我顏行結豢養之犬羊作突奔之豺虎既闡內地載躪東偏憫予赤子之流離怒爾蒼生之仰望然窮兇極惡大罪方盈乃共憤同仇天威遠播於時兵部尚書梁廷棟斷以成謀戶部尚書昂自嚴精以析計工部尚書南居益萃以鳩工總督兵部尚書張鳳翼督餉兵部左侍郎兼巡撫程鳳翀駐涿州巡撫兵部右侍郎解經傳駐通州兵部左侍郎范景文駐昌平兵部右侍郎侯恂巡撫順天僉都御史許如蘭提督綱紀操縱紀權兵科給事中張鵬雲戶科都給事中玄默工科都給事中顧其仁申徽軍實磨厲將吏監軍御史吳阿衡巡按御史董羽宸巡關御史張學問督餉御史沈猶龍巡漕御史龔一桂恩布軍中法嚴閫外太僕寺少卿兵部職方司郎中余大成監紀職方司主事丘禾嘉諮資職方司郎中周夢

尹冕閔職方司郎中陳瑾齋幣職方司主事王凝祚閔兵
職方司主事安國棟略預殄鈐力嚴鎖鑰戶部山東司郎
中薛邦瑞閔內餉司主事刁化神閔外餉司主事王四聰
天津餉司樊維城薊州餉司主事蔣範化通州餉司主事
丁流芳員外郎路來賀傅國俊宅運餉司林弘衍密雲餉
司主事孫士髦昌平餉司主事宋開春易州餉司員外郎
劉為瑤河東餉司郎中宋獻一勒鞭笑載藉著籌永平道
張春閔內道王楫寧前道孫元化薊州道賈克忠家雲道
孫止孝四川監軍道劉可訓昌平道盧維屏遼餉道張志

芳天津道石聲諧霸州道方一藻易州道沈際蕪資文武
合蓄兵民總理 鎮總兵官馮世龍前鋒鎮總兵官祖大
壽三屯鎮楊肇基遠鎮宋偉延綏鎮吳自勉寧夏鎮
固原鎮楊麒臨鞏鎮王承恩提督京城王威昌平鎮尤世
威通州鎮楊國棟署平遠鎮朱梅立功總兵官竇承武倡
予和汝戮力同心臣承宗臣總督張鳳翼同奉嚴綸共承
蕃錫以私門劍客合閭左丁男既牽制於河東遂合兵閔
右於是巡撫僉都御史許如蘭以幃幄籌策灤州總兵官
宋偉觀兵薊楚更牽東謀之謀於是總理鎮馬世龍統精

騎健兒同總兵官楊肇基尤世祿楊麒吳自勉王承恩擢
甲沙河兼綴西援之路於是監紀職方主事丘禾嘉提戈
開衛以共啟睦於是監軍永平兵備張春聯騎樂亭以分
將角於是餉司主事刁化神同監軍閔內道王楫握箸撫
寧以急供饋於是征遼前鋒鎮總兵祖大壽以壯勇忠肝
鼓仇讐義旅乃以署鎮朱梅所檄協路副總兵王維城等
盟忠建路以覩遷安乃以臣所命中軍副總兵何可綱等
拔旆盧峰以牽永郡乃以義兵營加銜游擊劉法劉榮職
等結綴龍山以張其勢乃以義兵營加銜都司邵思忠宋
三畏等隨征蓮泊以大其聲乃以祖可法祖澤潤孟道榮
可賢為左哨以韓大勳孫定遼曹恭誠為左協營以佐之
乃以張存仁黃惟正鄭一麟于永綬為右哨以羅景榮
孟繼孔趙國志為右協營以佐之乃以張弘謨劉天祿鍾
宇為次左哨而以黃龍左步營佐之乃以劉應選劉定邦
李正恭為次右哨而以汪子淨右步營佐之乃以祖大樂
祖澤洪儲定邦劉定國于應選楊汝梅為後勁而以左夷
營海參代劉漢唐右桑營桑昂李正美張兩翼佐之於是
祖大壽居中勁中樞以吳襄同賈承武統馬步漢夷鎮兵

義兵十餘萬而馬世龍尤世祿楊肇基楊麒吳自勉王承
恩適至群雄并力四面分功合營先挫其前驅布陣隨摧
其中壘惟東將員直前之氣肉薄先登乃東兵決必死之
塗魚貫而上若夫雨洗天兵而將奮風反火而棲焚六花
雲掩八公草木變旌旗之色七萃風行三籟雷霆雜鼙鼓
之聲於是祖大壽設伏涼休兵上壁暗夾北奔之路佯
開解網之方歸寇窮追盡殄攬槍虎落一城戢武仰依天
地鴻恩於是斬國臣等以是日入遷安九日環攻早寒孱
膽於是何可綱等以次日入永平凌晨西向遂褫驚魂於
是張鳳翼許如蘭宋偉副總兵謝尚政亦以次日入遵化
援檄厲士奮勇登陴七月盤桓三窟已窮於狡兔十年仇
耻一朝少雪於前矛蓋金泉再合平灤龍紀重開安喜盧
河駝嶺頓還孤竹清風鹿角龜灣復見崑山明月夾碣石
而標漢幟挽天河以洗胡塵萬馬驕嘶一戰奏合圍之勢
六羸宵遁三方成破竹之形立綏士女於玄黃盡脫生靈
於水火此皆我皇上以有征神略運不殺仁恩故內決
勝於成謨外握奇於獨運山河大地基隆百二金湯日月
中天明備三千禮樂萬姓仰光揚之武烈千秋誦赫濯之

聲靈風起雲飛真見四方猛士波恬浪靜應知中國聖人
臣等無至欣躍懼怖之至承宗又續報鄧玘等遵化斬五
百五十五級吳自勉灤州斬一百八級合前露布共三千
一百五十八級

談遷曰四郊多壘卿大夫之耻今僅復四城雖師武臣
力而彼為獲棄我為瓦全祇奏事狀足矣露布侈捷反
耻以示功高陽號經濟鉅公亦徇時為之耶

六月丙朔庚戌馮銓為郭鞏訟冤謂論死非其罪

四川監軍道

劉可訓為右僉都御史巡撫順天

都督僉事殷體仁為總兵官鎮守陝西王用予為總兵官
鎮守臨沘賀虎臣為征西將軍都督

總兵官鎮守寧

夏

壬子左副都御史易應昌以輕擬喬允升等下錦衣衛獄
成基命請改下刑部從之

王嘉胤攻陷黃甫川清水二營次日陷府谷縣據之
乙卯前東江副總兵毛承祿訴父文龍之冤不聽

庚申楊述程為兵部右侍郎兼右僉都御史巡撫宣府
癸丑王嘉胤兵二千人圍孤山堡榆林道白貽清遣

殷體信擊斬一百十八級賊魁金務希伏誅賊遁入府谷
洪承疇杜文煥圍之賊夜劫營官兵斬八十一級
辛酉禮部尚書溫體仁吳宗達兼東閣大學士直文淵閣
談遷曰前臈月連拔三相今夏又二之蓋意無舊相名
廣閣員實以速其去也

甲子先是遷安徐雲達白翰並萬曆乙未進士瑜子養粹
娶雲達女先後致訟及養粹陷逆雲達以尚賢司少卿頒
詔畿內蒼頭逃至天津被訊巡撫翟鳳翀具言其情時籍
白養粹地四十二頃有奇崔及第地一頃有奇楊熠孟喬

芳楊文魁地各有差俱盧龍縣

穰旱諭百官脩省

工部左侍郎筦右侍郎事沈演言「未大創兵貴先人今

援師集城下餘十萬東江大帥雖死其兵尚二萬八千其
地迫近「穴劉興治與「釁深可以計致擇有機智恩信
素著者撫定其衆勒以効命自贖使悉銳擬其重地「必
自疑愛塔素重於「中內應必不少使以梟將夾攻蓋套
旁收四衛以偏遼陽焚其禾稼剪其游騎彼將自困乃封
殖二衛復建海西此一勞永逸上策也或將才難得大舉

尚遙則彼貢夷受我戎索二百餘年其巢穴皆我故地今
仍領賞仍為「假道順逆不分戎心益肆宜乘此兵威革
賞問罪衝其中堅驅其牛馬使買路之資不足償失剪其
羽翼而「自不逞中策也又或以兵貴萬全大征危事亦
須大設軍容耀兵塞外將「所入之道開塞令斷深溝陜
塹以限「馬使高下險阻皆非故道乃以邊內盡復墩臺
如先臣戚繼光更加嚴密留銳師一二萬於各口廣間諜
設瞭望「會合情形昭然目中先其未至出塞蹙散之「
兵不多必賄約各部偏敗衆乃携矣此以攻為不能及遠聊
以固圍下策也章下所司

談遷曰吾讀沈司空三策而歎於時俱非所用也歷時
動衆言之易行之難日者劉興祚來歸怨建次骨勢
不反顧當事宜召問令條列建情狀彼兵數多寡何
若號令進止何狀將領大小何若諸部分合何若宗戚
智勇何若戍守堅瑕何若一一採錄他日用為御導倍
他間多矣彼建深入胡地單虛假興祚為鋒潛出萬
騎持十日糧踰遼河掩其後利則進否則疾返雖未即
勝令建知我不測援西突東將來未敢輕目我也今

膜外真與祚毫無採擇惟攻一城則併援攻一堡則併守於彼已情形茫如也夫見在可用之人可乘之會而更思借箸坐待歲月亦計之晚矣嗚呼

乙丑宋統殷為右僉都御史提督鴈門等關巡撫山西王順行為右副都御史巡撫陝西改許如蘭巡撫廣西許西虜棟漢虎墩兔憨款貢

丁卯劉應遇為右僉都御史巡撫甘肅應遇先為商維道平漢南盜故有是命

工部尚書南居益免印中王守履廷杖削籍時試砲炸裂

戊辰故禮部尚書盛以弘贈太子太保

庚午諭兵部武場特拔拔勇毋拘牽文法

辛未江西道御史張養言聖諭咨訪鹽屯臣於屯政未曉

於鹽法嘗巡視兩淮頗知得失謹列六事曰重邊商以准

祖制洪武間每引銀八分永樂間每引米二斗五升官征

至薄高利至厚無所謂餘鹽也餘鹽起嘉靖間開中本色

每引至五錢運司餘銀每引至一錢九塞艱阻商人不樂

趨赴邊商止有其名不過僉報富戶攬納則國家以餘銀

奪本色之利也今不能蠲餘銀亦當守正課商非本色不

許開中引非邊中不許行鹽曰禁浮課以絕占窩正鹽每
引邊中五錢納運司八錢引售內商餘費實一金循次派
鹽嘗待數年或加引價越次收吏其利數倍如近日節商
則有占窩賒吉等鹽無不皆然浮引日增邊中之引日滯
今若言增引宜均派邊中之引庶占窩之少哉曰疏存積
以應急需國初鹽法有常股有存積歲常股七分存積三
分常股謂常行鹽也存積謂積鹽在場遇邊警開中今量
增引目一二十萬綱商均派咸於常股中納之准其超掣
或輸金運司或輸粟芻營伍因事而增事平而止曰革割

沒以清宿弊兩淮掣鹽正數外零鹽作論罪納銀曰割沒
歲可得九萬金或十萬金解戶部蓋兩淮歲引七十萬五
千一百八十為銀五十六萬有奇則於歲課六十餘萬之
額不足故借割沒湊之因無定額百蠹叢生然割沒以來
帶私鹽也因正課不足許商人夾帶明導之以私不如每
引加鹽百斤增餘銀二錢則歲額完而割沒可杜曰專委
任以責成功兩淮巡鹽御史例限一年所至雖止鳳廬淮
揚已歷四五月又兩次再京掣造冊復命須兩月鹽政凌
雜初未曉解迨得其緒迫於報滿嘉靖間太僕寺丞姚奎

請兩淮鹽臣擇選才識移家三年受代此議實可酌行曰
躬交代以防侵欺從來正官交代惟按差不拘離任後胥
史為奸宜兩淮鹽臣新舊面代章下所司

太監祝明階濫收軍器丁械失驗錢糧俱廷杖

貴州糧儲道

李

奏巡按蘇琰當安位力屈告急東

引待死遣謀託賊首劉養鯤引見琰屏左右叅語賞花幣
鼓吹導出又送酒十甕白鹽二十包酒為金鹽為銀都司
莊烈亦得重賄於是餘民忿甚因漢把左之賓等來議款
卿官馬文卿等赴院控阻俄衆集者萬人擊斃賊七人登
堂唱哭罷市三日督臣捕首事六人斬於市招安琰意在
株連紳富逮七十餘人臣等奉法戒徒杖二十人猶馭罵
不已臣勢不能留批勒致仕有此憲典否

工部左侍郎筦右侍郎事沈澐自製火器上之

故刑部尚書喬允升遣戍

壬申沈澐閱視德陵工程

上齋居修省遣大臣祭南北郊山川壇禱雨

癸酉順天府尹劉宗周上言祈天永命

寧前道兵備副使孫元功為右僉都御史巡撫登萊東江

蕪恢金復海蓋兵部贊畫主事丘禾嘉為右僉都御史巡撫遼東兵部尚書梁廷棟以元化為劉興治所憚特用之甲戌翰林院庶吉士黃起有周鳳翔孫從度解胤樾為編脩陳美發楊觀光徐汧吳廷簡劉其德朱兆柏胡世安為檢討魏呈潤宋之普周純修李夢辰為給事中王邦柱王與胤白士彝為監察御史李衍泗為禮部主事乙亥南居益職任軍需不能率屬精辦致令侵剋虛糜及試壞種一又共事諸人扶同奏殊非大臣體國之意削籍不許推用

禮部 侍郎徐光啟為尚書

丙子改劉遵憲為工部尚書

是月修三屯大安喜峰冷口建昌等城堡

巡按陝西御史李應期奏臣提兵入援賊乘虛直圍韓城合剽擒斬三百餘人宵遁今臣奉旨回鎮委剿總兵杜文煥分巡河西道 將士忠揭報盜見招諭又督撫令各道進兵夾擊延安知府張輦領回兵於延川斬二級都司艾穆於清澗無定河斬十級盜始求撫將士忠遣故降人李光燧入其營招諭王子順一名王之爵張述聖姬三

兇俱降時神一元一魁王嘉胤等掠延安慶陽城堡多陷
總督楊鶴主撫不以聞鶴及陝西巡撫劉廣生各遣材官
持牌票四出招盜魁黃虎小紅狼一丈青龍江水掠地虎
郝小泉等俱先後給免死票安置延綏河西而延鄜間皆
降丁矣然不焚殺耳其淫掠如故村氓吞聲有司莫敢告
寇患成於此矣

兵科左給事中劉懋工言秦之流賊非流自他省即延慶
之兵丁土賊也邊賊倚土賊為鄉導土賊倚邊賊為羽翼
六七年來韓蒲被掠其數不多至近年荒旱頻仍愚民影
附流劫於涇原富耀之間賊勢始大當事以不習戰之卒
剿之不克又議撫之其剿也所斬獲皆饑民也而真賊飽
掠而去矣其撫也非不稱降群聚無食仍以劫為生名降
而實非降也且今年麥苗盡枯斗粟銀三錢營卒乏餉又
三十餘月即慈母不能保其子官且奈兵民何哉開門納
賊民盡盜也縛將投賊兵盡盜也即新撫洪承疇力能辦
賊抑能盡剿盡撫乎能為無米之炊乎自非聖明慨發數
十萬帑金以收拾貧民補一年闕餉以安撫饑兵又清盜
之源惟責成督撫參逮貪酷有司甦民生培元氣蓋近來

貪酷成風民有三金不能供糧一金有告捕一盜而破十
數人之家有一贖而傾人百金之產奈何民不驅為盜
乎至於兵曠伍且半役於司道半折於武弁所餘老弱既
不堪戰又不練習當責督撫清汰操練以備實用也
是夏山西流盜犯石樓永和破蒲州潞安官兵敗沒
七胡寅朔王應熊為禮部右侍郎林鈺為詹事各協理詹事
府解經邦為兵部左侍郎
沈演請陵工銀許之時總理工程太監孔文源
辛巳大雨竟日

癸未謝時雨 上宿文華殿

甲申 上御午門受俘誅賈維翰等

乙酉進孫承宗太傅張鳳翼太子太保並詹錦衣衛指揮
僉事進祖大壽少傅提督 詹指揮同知宋偉馬世龍

並太子太保尤世祿楊肇基太子太師吳自勉左都督餘
文武陞賞有差

丙戌兵部職方司郎中李繼貞加尚寶司卿

己丑巡撫山西右僉都御史宋統殷蒞任壬辰即駐蒲州
辛卯進兵部尚書梁廷棟戶部尚書畢自嚴俱太子太保

廢廷棟錦衣衛指揮僉事王之采等各賜金幣

大學士成基命周延儒何如寵溫體仁錢象坤吳宗達並

太子太保文淵閣大學士廢中書舍人

壬辰巡按陝西御史李應期奏慶陽守備李極值賊於廊
定之雷公嶺陣沒直羅巡檢陳其佐被殺守備白邦政重
創失戰馬四十三匹撫臣劉廣生稱疾不出邊盜日來未
已而巡撫延綏洪承疇亦移文告災巡撫山西仙克謹稱
永寧州之孟門鎮有盜千餘勾陝西大同集口之盜合二
千餘人蟻集於此時事之大可憂也

盜陷府谷縣御史王道直言盜起於饑請發兵餉銀買本
色一從保德州河路一從洛宜陸路庶收拾人心解散黨
附不報

巡撫陝西右副都御史王慎行蒞任報前日賊在木瓜園
殺將破堡時邊盜饑民約二三千人聲言南犯韓城以督
臣遣游擊夏有啟領五百騎自耀州三原直出韓城蒲州
又游擊李養棟五百騎自慶陽葭州經洛川宜川躡賊之
後都司許國忠領省兵為援而參將李昇於六月戊辰後
屢戰斬三十餘級盜少却不即南下王慎行尋引疾

庚子李孫宸為禮部左侍郎魏光緒為右副都御史巡撫湖廣

辛丑海豐縣有石圍數丈高大餘忽移五十餘步

壬寅總督倉場戶部尚書孫居相落職初戶科給事中陽城楊時化劾高平知縣喬淳婪虐事下撫按計贓二萬三千金有奇淳家京師上書求移訊法司且訐時化嘗囑事見隙時化方憂居通居相書有報札淳蒼頭啖都門守卒搜奪之內云國事日非邪氛益惡上怒責居相對狀

丙午錢春為戶部尚書總督倉場

是月國子祭酒顧錫疇言文廟先賢自四配十哲外兩廡共六十二人會典所載東自滂臺滅明至顏澮三十三人西自宓不齊至步叔梁二十九人位次多紊於是有漢儒次宋儒下非有宋所以妥先儒也宋羅從彦李侗雖萬曆時從祀而實朱熹父執所從受學者也既從祀不可不論其世戊申朔甘肅固原糧儲道叅政郭應響奏繳天啟四年冬布花銀數上以違甚詰查戶部會其回奏辛亥御史史堃論罪督袁崇煥有旨崇煥講欵致寇擅殺逞私失誤封疆限刑部五日具奏錢龍錫私結邊臣下廷

議 子子時撫按薦留陞任監司永加銜久任吏部言其有礦銓政從之

穆廟容妃韓氏薨

癸丑鄭宗周為太僕寺少卿

甲寅提督總兵馬世龍罷世龍玩寇入永平大殺掠

曹珍劉重慶為戶部左右侍郎曹珍督理邊餉

丁巳王嘉胤勾套虜二千入犯我師斬馘數十賊迫送縣

印遁去退守大小寬埤等寨佯乞降仍奪路走黃甫川

戊午工部左侍郎堯右侍事沈演言強兵裕民原有兩利

之策天啟二年臣嘗言建堡聚民一利保民即以保國謹

錄前疏備採今養兵費八百萬有奇久無變計物力何支

定制立法當自畿郡始人情情盈則思奮貧困則思離不

於此時施金賑卹以周其困鼓舞振厲以作其氣使勇於

公戰如報私仇更何待乎惟精擇守令委之事權而課其

成如張春左應選各假京銜提督其間兩人能得人死力

補助窮民然後逃兵在、可收束伍簡銳以圖恢復廣屯

足餉寬恤民力 上是之

己未鄭以偉直經筵

巡按甘肅御史張

覆奏西虜內附

上以事殆二十

年今日始覆邊政積玩至此命下部申飭
庚申故禮部右侍郎張邦紀贈禮部尚書

辛酉改康新民戶部右侍郎宋師襄為太僕寺卿錢士貴
為南京大理寺右寺丞

癸亥殺督師太子太保兵部尚書袁崇煥 上御煖閣先

輔臣成基命等人對久之出御平臺文武諸臣俱入諭曰

袁崇煥付託不効專事欺隱市粟謀款縱敵不戰散遣援

兵潛携喇嘛僧入城卿等已知之今法司罪案云何諸臣

頓首惟命 上曰依律家屬歲十六以上斬十五以下給

功臣家為奴今特流其妻子兄弟餘不問輔臣頓謝 上

問諸臣更何言輔臣曰其罪不宥遂命刑部 侍郎涂國

鼎監決因戒群臣洗心滌慮毋仍前欺罔問戶部尚書畢

自嚴曰各餉司侵壓本折屢至譁噪何久未覈奏也對曰

新餉疏今日上舊餉疏明日上邊餉數已給七分近兩年

優於往日 上曰非優也彼何朝宗云何自嚴謝罪袁崇

煥字自如藤縣人萬曆己未進士知邵武以韜略自詡壬

戌入覲自陳願備兵加兵部職方主事監遼東軍旅加山

東按察副使備兵永平天啟甲子八月進寧前道叅政奪

情守鎮丙寅正月卻敵功加右僉都御史巡撫遼東關外
丁卯又寧遠卻敵加右都御史與魏忠賢有隙引疾去崇
禎初起兵部侍郎添註戊辰四月加兵部尚書督師出
鎮遼東己巳十月加太子太保以入援三日五賜金幣宣
勞親為飲至而遷延不戰至擅殺毛文龍朝議謂踐敵宿
約至是聖諭袁崇煥謀殺欺君結奸蠱國斬帥以踐約
市米以資盜糧既用束首陽導入犯復散援師明擬長驅
及戎馬在郊頓兵觀望暗藏夷使堅請入城意欲何為致
廟社震驚生靈塗炭神人共忿重辟何辭其家屬本當依

律正法姑赦不論妻子流二千里安置福建財產盡沒入
官

談遷曰藤縣之於東陲亦勤勞多矣初經略高第議棄
寧前錦右果如其說則遼西將非國之有也賴藤縣力
持成寧遠之功邊士氣少奮伏鉞以來極受知遇兵勢
不加於往日強敵尤迫於目前思以押闔縱橫出表餌
之愚計其失在復諫怯戰避難規利也范仲淹荅元昊
書岳武穆陰間劉豫古人未始無之特所用喇嘛非種
世衡之清澗僧王嵩耳今俱謂其通建，一時難民忿

禍衆喙漂山而爰壽三尺真同反叛安能折其心使不
斷。地下哉嗚呼戎之辟之可也寸而磔之果法之平
乎

夏允彝曰崇煥少好談兵見人輒結為同盟肝腸頗熟
為閩中縣令分較閩中日呼一老兵習遼事者與談兵
絕不閱卷或問之則曰士子宜捷者自有命在隨意抽
取可也斯豈執事必敬者乎寧遠一捷實為首功遂自
矜為已破膽必肯獻地講和自言五年滅了無成
箕給諫許譽卿面叩之崇煥自言聊慰上望云爾給

諫極言

上英明豈可浪對異日按期責功奈何崇煥

覺失言遂以用人措餉等事再請於上倘有不相應

即可借為弛擔地不意上之咸從所請也赴援都門

召見即請入城休息上不可以三千騎入城請上

曰三千騎亦不可所以疑之者至矣而崇煥絕不悟也

閣臣錢龍錫嘗問以遼事荅曰似當從東江做起錢謂

舍實地而問海道何也且毛帥未必可得力崇煥曰可

用之不可用殺之此吾所優為錢庸人也不以其言

為意及斬文龍疏中即入錢語及一闌入朝端遂以殺

文龍為崇煥罪而并及龍錫矣

甲子諭舊輔錢龍錫背公違和密謀主款袁崇煥疏語已露其終不奏聞并不重罰何以懲後削其職法司確案擬罪逮至論死

國子祭酒顧錫疇省養

乙丑丁魁楚為通政使馬鳴起為左通政

庚午刑部侍郎韓策罷

辛未練國事為右僉都御史巡撫陝西

癸酉揄漢虎墩免慙擁兵偪大同巡撫張宗衡議戰總督

魏雲中議款御史白士遴言藉款以修守固守以待戰報

聞

丙子曹珍為工部尚書徐國鼎程註為刑部左右侍郎

九月丑朔己卯黃甫川賊仍勾虜洪承疇杜文煥從孤山進

擊大破之擒斬三百八十餘級山西兵殺獲亦三百餘級

賊始奔潰

巡按陝西御史李應期請免全陝從前逋賦并趣新撫練

國事之任

諭廷臣曰袁崇煥通一謀叛罪不容誅爾廷臣習為蒙弊

未見指摘今後有朋比行私欺君罔上者三尺具在
宥水西降人安位先是龍場壩本水西地水蘭相仇殺爭
地時屬蘭時屬水其後結盟奢崇明敗水西假之居其地抵大
方七十里去永寧且六百里山箐峻險不產穀蜀人欲設
官屯兵以自廣總督朱燾元奏禦夷之法治以不治既來
則安居不專在攻取也今水西既已納款殘蘭安敢負固
惟當明定疆界使諸夷自耕牧遵往制職貢賦數世之利
也若設官屯兵臣愚以為不便夫守邊者但聞扼險不聞
入險此地陡臨夷穴四面孤懸中限河水不利應援築城
守之轉運繁費捐有用以事無用且內激蘭夷必死之關
外挑水西扼吭之嫌兵端一開未易釋止如臣襲雷同之見
創可喜之談誇開封闢土之功此人臣一時之利非疆場
之福也今工未之訐後推勘地界卒如其議又朝論欲用兵
郡縣水西燹元奏不可遂傳檄夷目布朝廷威德諭以出
降夷目感服爭納土獻重器燹元分諸夷以地俾世守奏曰
安位殄絕踈族爭立臣奉明詔一切禁止聖威遠暢納土
獻印相繼於道臣惟水西有宣慰之土有各目之土宣慰
公土宜還朝廷各目私土宜早分守籍其戶口徵其賦稅

殊俗內嚮同於編氓大方西溪谷里比那要害之地築城
戍兵足以正振國威永銷反側夫西南之境皆荒服也楊
氏及播奢氏及蘭安氏及水西滇之定番彈丸小州為長
官司者十之七二三百年来聞有反者非他酋之好叛逆
而定番之性忠順也地大者跋扈之資勢弱者傳世之策
也今臣分水西之境授諸酋長及有功漢人咸俾世守凡
夷俗虐政苛歛一切除之使參用漢法可為長利制曰可
西南悉寧因條便宜九事不設郡縣置軍衛不易其俗土
漢同安便一地益墾闢聚落日繁經界既正土目不得侵
軼民地便二黔地瘠仰給於外今自食其土省轉輸之勞
便三國用方厝出太府金幣勞諸將不足以爵酬之爵輕
不若以地於國無損便四既許世其土各自經久遠永為
折衝便五大小相維無事易以安有事易以定便六訓農
治兵耀武河上使賊日備我使七從兵民便願耕者給之
具耕且戍衛所自實無勾軍之累便八軍耕抵餉民耕輸
糧以屯課耕其拘其籍以耕聚人不世其伍使各樂其業
便九

壬午令戶部給事中覈邊餉

癸未左副都御史張捷議鼓鑄屯田權鹽亟宜講求良法
章下所司

乙酉進襄城伯李守鐫太保詹錦衣衛指揮僉司

進閔夢得太子太保詹子入國子監康新民周士樸為戶

部左右侍郎

丙戌詹事林鈺署國子祭酒

巡撫河南右

都御史丘兆麟卒

趙傳宗龍太僕寺少卿監軍四川

諭吏部曰朝廷設官分叙爵秩優任才能近來人心日競

銓政詭隨如傳陞京堂本酬勞獎賢今則科道吏部司官
視為固有不諭賢否循例必浮至於監司知府官階隆重

祖宗特選朝臣為之何以今日輕鄙若此背違舊制兢

習囂風若不亟加挽正濫觴日久又將輕視京堂希營卿

貳矣今添註閏陞一概停止以後科道吏部司官果才品

兼優者准陞典司風力稍遜陞知府若才品勞勩並懋及

司道卓異准予京堂永遵為令敢朦朧奏行必寘重典

辛丑京師大雷雨雹

是月巡按陝西御史李應期奏洪承疇同總兵杜文煥密

計剿盜承疇以游擊左光先領百騎文煥委副總兵趙大胤守備白邦政託護送為名適流盜白汝學等四千入攻綏德州參將卜應第拒卻之同王子順苗登雲等迎應期於城內縛斬五十七人又次第搜斬四十一人先欲內應者也

巡撫陝西右副都御史王慎行請借布政司三年來裁扣驛站銀三萬金為募兵買馬費命下部議
陝西督糧道 洪承疇為右僉都御史巡撫延綏

皮島劉興治襲建

於青山鳳凰堡屢有斬獲孫承宗奏

興治斬三十餘級雖未足贖罪而決意樹功誓仇建一稍見其心上褒答之

十丙午朔卹錄入援故將王邦政文光等

辛酉夜月食

建 謀合西虜揄漢虎墩兔憨犯冷水口

乙丑巡撫登萊右僉都御史孫元化請改朝鮮繇登州禮部議暫從覺華島兵部以貢道改陸從海已七年忽改覺華島非便從之

丁卯應天府丞周爾登予告

癸酉禮科右給事中王猷言順天貢士俞世灝高岱金允
治俱武生籍

先是延綏大盜張獻忠等以五六千人掠靖邊安定綏德
米脂間攻清澗鄉紳惠世揚康運泰募壯士百餘斬獲百
餘級延綏巡撫洪承疇同總兵杜文煥擊斬八百餘級獲
頭目招撫十八寨凡千九百餘人

是月王嘉胤陷清水營殺游擊李顯宗已又陷府谷大盜
李老豺於鄜州中郛間糾三千餘人攻合水縣總督楊鶴
微寧夏總兵賀虎臣馳剿

十月
丙子朔

已卯寧夏總兵賀虎臣於盤谷擊賊擒斬六百六十級
都督祖大壽率兵出塞二百五十里至駱駝山襲建
斬
二百九十三級獲畜產二千四百有奇

甲申工科給事中孫晉言左庶子丁進主考鬻關節實輔
臣溫體仁私進於南御史黃宗昌劾進止奉旨降級體仁
奏辨事初發除嚴究外別無他法俟情得之後真否既判
罪有攸歸孰能寬之科臣職議論不難低昂臣職在看詳
當揆其平耳

丁亥 神宗皇帝實錄成

戊子神元破寧塞縣 庚寅賀虎臣於寧州斬賊八十八級

壬辰德陵工凍沮俟春月

逮前經略遼東兵部尚書高第第家灤州前聞警舉家

遁灤人立潰

山西總兵官王國梁追賊於河曲發紅夷砲炸我兵自

亂賊乘之我大潰參將李春芳先逃科給事中馬思理

請誅此二人再遣大臣督蜀將秦良玉與杜文煥犄角不

報

丙申閩內官兵擊斬中部賊八十五級

月十二日朔大盜神一元等三千餘人破新安邊營

丁巳破寧塞縣據其城殺參將陳三槐

庚申圍靖邊昨夜副使李若梓固守微救至幾陷

已巳勾虜四千騎益圍靖邊三日夜已陷柳樹澗保安等

城

杜文煥曰文煥於庚午春二月督延綏固原官兵三千

便宜撫勦遣官持檄諭降清澗賊王之舜等七百餘人

而苗美苗守義等以八百人遁去官兵追美等於梁懷

寧河斬飛天夜叉等數百級尋以餉乏駐綏德三日美
復嘯聚潛伏小滴流山再破之追及白羅城山險不能
進賊遣人約余過鄜州受降遷延十日不至余料賊必
北去移鎮安塞縣晨至鉄葉寨適與賊遇單騎馳入其
營美叔登雲登霧皆下馬羅拜而美復以百騎餘逃矣
乃遣都司王仲學二百騎追之曰不得美無還也及之
於賀家灣賊黨斬美首以獻而延東黃甫川積寇王嘉
胤齊王等以延撫標下副將李釗求貨於賊、憾甚夜
襲破黃甫清水木匠三堡洪公承疇以鎮西將軍印推
靖邊李若梓羽書云寧塞饑軍神一元等攻陷西路新
安寧邊塞營柳樹澗三堡且以重賫勾虜靖邊勢甚岌
、寧塞為余所居宗人等皆被其難余乃留曹文詔合
普兵以圍河曲拜表而行神賊聞之遂棄寧塞陷保安
勾套虜使入余諭以威信無為賊用套虜曰賊詔我以
將烏合甯不知杜公來且我四十八台吉猶畏公不敢
抗今日敢與公戰乎然多受賊金弗忍棄請說令面縛
轅門可也及套與賊合將挾套合犯西安套疑未定余
分布諸將塞賊南下要路親移師擬直搗套巢套駭語

賊曰今不得復顧汝矣飛騎馳出寨迎余曰願以千騎
從公共破賊余止留百騎以五百人服其裝為前鋒賊
自套歸不能支吾從間道奔往合水縣出不意據之以
頓其孥尋圍慶陽府余軍至前鋒麾之曰我台吉也已
降杜公若輩不早服俱死矣賊奔不可止斬首七筭先
是賊偽降總督楊鶴楊與余有禮節之嫌乃勦撫異見
遂信神一魁力主款且出示曰一魁就款已題寧塞安
插官兵如妄殺一賊者兩兵抵償余歎曰賊藪陷寧塞
畏我而逃今借名城為盜資我宗人可與賊同處此土
余討之余先擊齊王黃甫東山諸寨以斷嘉胤聲援陣
於山神堂佯退誘之返闕大破賊、懼求入縣約嘉胤
同降余不許勒兵誓衆四路俱進陣斬王嘉胤王天雲
張德黃一等東山諸寨俱下而三堡之人復歸守如故
露布入告上手詔褒嘉焉時大旱民饑延安四郊賊
大起米脂賊張獻忠所據十八寨聞余至陽乞降余亦
陽許之以為後圖竟討清澗保安之寨諸賊、首上天
虎大敗獲其黨掃地王而橫天王隔溝飛點燈子等向
攻清澗縣亦奔延川南白屹塔寺據險以守余分遣副

將三路合擊賊潰去又於安樂寺避賊塢諸處破賊二
里虎倒坐虎等俘斬一百人而府谷餘孽王家用等復
起遂夜渡黃河陷山西河曲縣大司馬梁廷棟請拜余
為大將軍提督山陝臨寧四鎮兵兩省撥兵一萬以為
標兵發十萬金為行糧兩省巡撫親履行間起運糧草
紀察功罪余至魚河聞命即馳赴河曲之郊家用向出
掠無恙一間杜家軍閉門堅守其城天險又值沍寒官
軍露宿雪中梁公飛檄催戰余持不可曰冬月興師古
人所戒今斷絕糧道使其自困來春可一鼓下也會得
乎遂徙其家以去時韓城西安又告急余又有芝川之
捷腹背夾擊賊大營俱潰闖賊二賊突圍走河濱山寨
據守余移鎮撫鎮計日蕩平而楊鶴以生勦礙其撫局
百計中傷余以此得罪而一寇復叛闖賊四出山西以
提督既去不復守河賊從延水關潛渡蔓延豫楚成燎
原之勢矣

^帝丁魁楚為右僉都御史巡撫保定姜曰廣署南京國子祭

酒

兵科左給事中劉懋上言之餉莫若搜之本省為便秦中

八院各有公費有吏承犒賞同道府廳亦有公費有脩理
銀各州縣有備用積穀等項巡方駐劄除解京外有餘剩
貯庫不足再益之驛站裁節計通省可得六七萬其召募
莫如簡練衛兵為長久之計并嚴處貪官疏入不報

卷

聖